







1377



秋澗先生大全文集

二





秋澗先生大全集卷第一

頌

中統神武頌并序

維三年春王正月逆璫恃負天恩扞我大刑哀
斲蘇嘯兇東土於是命將致討天戈一麾不五
月而克清夫愍茲蓋

皇帝陛下夤奉天心布昭神武睿智足臨有正無戰
故也昔肅宗中興唐室而元結獻頌用歌大業
垂示無極臣暉忝屬太史親覩盛事頌聲不作
咎將曷歸敢綴緝所聞謹撰中統神武頌一首
凡千有一百二十四字雖辭理未應庶幾神武
仁聖之德鏗錡炳耀播宣金石振一代之徽烈

也万冀微誠仰蒙天聽臣惴惶懼昧死拜手稽首而獻頌曰

皇帝踐祚粵維三年萬靈清蹕迺狩于燕曰寒而寒曰燠而燠百度脩明朝廷清肅東截海表西亘庸濮悉臣悉貢罔不率服時維逆璫禍心久纏再世鷗張顓征擅權奄殿全齊厲階泗漣煮鹽涸海剗銅夷山地險物衆孽芽其間憎恃奸囂海波可田背脅疽根怒而自鞭時徵邊功外未忠憊警我宋急騎通甘泉帝以德御聽之誠然再命不庭穢彰溥天浪駭鯨奔擬騰百川投袂東來盜我西偏天意有在聚而燔旃皇帝神武不震不憚燎我神鼎烹此小鮮命將興師策出方全方叔召虎爪牙利宣爰命

宗王相臣是丞顓彼封拜虎符發兵赫赫禁旅犀中熊旌相臣曰璧維周之禎氣蓋一世徐方震驚

皇帝曰嘻殲厥渠魁脅從罔懲既誓我師銳莫與爭賊謂我怯蠆鋒來乘一戰而退曠懷自矜詎以有待孤城自嬰

皇帝曰嘻璫不時下我民是桐武略神機運之淵衷相與謀謨丞相天澤迺拜稽首賊出下籌豨突于笠不死何求繚以巨堙畢克于秋

帝曰元老壯哉謀猷其往視師代予以休馬首既東零雨其濛精彩一變氣吐而虹萬杵一動月暈而墉山斷外援水防內通高壘深溝俟其自斃日壓賊營雲頽死氣賊勢既窘魄褫心悸鼠拔其牙獸崩厥角

斧僵螳潛鋒摧蝟縮七月壬戌環隄內証賊伺我隙
悉甲來攻万死幸脫突我梯衝相史相趙出奇無窮
既敗而壁衆猶嘯凶迨其癸酉有星蓬蓬驕若矢石
妖聲墮空因之出降群兇率同彼狡狂卒不知所圖
銜寔鼠竄自投于湖宛轉不死可知其愚童子執戈
縛之以趨比梟逆首磔裂其軀併取同惡牽孥就誅
林林部曲面縛俟死

皇帝曰噫皆朕赤子若蠢何知一從先旨解甲投戈
縱歸田里東際海壖西逾膠濟殺氣一空歡聲四起
既定歷城東趣廣固比傳城下降燔內豎凡厥士女
無或畏懼取彼逆屬取其府庫市肆農耕按堵如故
壘壘婦妾婉婉弱齡三木囊頭來獻闕庭既令市朝

咸即厥刑盡頒所獲大犒將旅稠載驩呼各歸禁伍
勞我元臣其安爾所視我民政袞闕則補肆赦東方
皇恩斯溥錄我陣歿卹我孤苦舊染惟新各安爾土
皇帝曰噫頌頌歷城橫燎兇燼干戈所歷復其租歛
惠賜穀帛拯其昏墊陰伏陽開乾旋坤奠海岱重清
一出聖筭奄奄北風龍言而遠竄威懾蠻陬東夷來獻
蓋代稱觴万口交慶再拜稽首

皇帝神聖天錫勇智万邦以正億万斯年受天明命
皇帝孝友敦序九族有壽有土煌煌車服終歲燕賜
克諧克睦帶礪山河與天齊福

皇帝睿哲別白忠直天賚厖臣左輔右弼孰敢予侮
為天立極

皇帝聖慈約法好生奚取八辟三章更輕大獄之起
寧失不經如瓊之誅万死何容罪止一族餘無所從
漢制黨錮唐興羅織濫及無辜慘莫之惕天地大德
曰生曰植致討已來惟天是則吾皇之心堯仁舜德
海宇熙熙春臺壽域群臣歸美度越前古唐平淮西
漢滅吳楚以今方之其烈斯鉅規規孝景計誅臣錯
岌岌憲宗皇咨于度兵纏四載吳縛于愬惟此齊功
五月而成斷以睿筭界之戎衛

皇帝執謙弗居弗處

宗廟之靈將士之助敢告成功于考于祖祀事載祗
牲牢鍾虞樹羽崇牙應田縣鼓肅雝和鳴

先祖是聽神靈曰都嗣皇之英持盈之德守成之能

保我不祚方福是膺壽等南山不騫不崩小臣眷眷
職司述稱屬辭比事獻芹之誠親覩盛業拭目太平
淵嘿無言咎將孰徵冒昧狂斐觸犯雷霆敢撫輿議
用垂頌聲

賦

蛾眉研賦并序

余家所役二硯研磨有年殆與瓦礫不異
書生作計朝夕筆研間所用若是欲善其
事而不能也宜矣乙卯春偶得是硯於販
夫之手質名于譜蓋歛石蛾眉之種也噫
豈天誘愚衷將為文字之祥邪抑亦有數
自王氏而發潛德之光耶遂筆而賦焉其

詩曰

嘿齋主人行年廿有九日從事於翰墨將游心于道
園家畜二硯形模老醜研磨歲深埃塵瓦缶嘆材石
之莫遇偶見授於野叟發此秘藏殆天所誘歸予之
月卯插其斗從吾囊之羞澁喜溪光之照牖其質圓
以古其色綠而黝鬼斲瀉壁鏡蝕秦紐太初之面目
已露元氣之胚胎未剖涵玉德之餘潤鑑金聲於一
扣其閱人多矣幾墨翻於醉袖也肌理細膩豐而不
節顧溪痕之隱然旋摩挲而無有雪浪翻江映日光
走其瑩滑溫純之德誠研中之瓊玖也若夫蒼文上
橫眉嫵初就濃抹遠山濯如春柳其橫雲却月之狀
又似開乎成都之畫手質名于譜茲歛石蛾眉之右

也予想夫龍山之英歛溪之瀏醞釀幾年鍾此奇秀
信神物之有歸不圖為嘿齋座中之友也當其書幌
晝明筆耕而耨一噓泫然雲蒸霧湊試墨花於春融
覺松風之瀉竇縱未洒薔薇之春露聽此亦足以醒
張顛之宿酒也相期百年以介爾壽研兮研兮汝名
雖異僥浮於實兮終有愧於屋漏故東坡有云澁不
拒筆滑不褪墨茲乃研之佳焉又何必鸚其目而鳳
其味也邪

茹野菊賦

并序

丙寅春三月予以司明告病避忌食物無
可供嚼嚙者家人輩采菊芽為蔬考之圖
經味甘平療風熱於頭目極順適也遂筆

而賦之其辭曰

蹇予投劾而來歸兮守先人之故廬日閉關而却掃
兮殆幽潛之不殊視外物其弊疑兮將游心於聖書
何庖厨之遠戒兮幾釜中之生魚嗟肉食其無相兮
喜盤蔬之有餘潔我晨羞出于不虞擁案未前露香
滿裾童子啞然而告予曰茲野菊之方苗適采擷于
林墟考之圖經食有益於頭顱也若夫春芽翠茁方
莖碧腴湯沃苦盡折調氣濡甘湧舌本味欺圃蔬拉
晚菘以為友役春蒲而作奴貯空暖而不厭怨落英
之不如彼寒花之可愛寄高情於一壺縱傲睨乎秋
霜踰佳辰而日踈此方騰藉春陽甲拆而敷收微生
於全體供野人之所需吾乃瀝芳馨而三嘔覺眼華

之掃除其氣平夷其樂舒徐豈一杯之野馥等悅人
之藜藿雖草木之誑口亦因茲而起予世有啖糠覈
而瓠肥厭梁肉而黑瘦豈非適於口而心苦濡以膏
而體劬吾知其菲薄以自樂能充說其體膚既而隱
几冥坐心明志虛佳境脩然恍與夢俱以神為馬以
尻為舛既發軔於菊潭或再節乎山隅訪淵明於栗
里尋天台之隱居後鼓東南之歸柁追散人於江
湖覺而賦之猶足以續離騷而吊三閭也

未央瓦研賦贈終南李鍊師和甫

斗直寅日維酉栩栩蝶化夢入靈囿覺而扣門有來
玄叟投我天硯形圓色黝鬼擲瀉壁鏡蝕秦紐文章
鬱律蛟蟠虺走以長樂無極而言迺漢殿燼餘之瓦

首也當其炎運天開禹畀秦隴未央屹建長樂丕構
體紫極之圓方壯神麗於九有俾子孫無復加於後
也若夫萬疊雲浮跨凌天宇鱗影參差螭背嶽舉瓊
綴簷牙香團桂樹倒景激日馭之光流潤浥金莖之
露聳萬國之衣冠蔭千秋之歌舞礪太華而帶河渭
謂斯瓦之貞固天落妖彗一掃而去咄尔微質歸復
其土何千歲而不化偶野人之與遇今歸乎我又係
厥數摩沙漢月碧花燦吐似喜余之主也試玄蛟兮
海運瀉松風於牕戶滑不墨褪法不筆拒然復其天
則御陽調韻王之耳孫較其古迺銅雀之鼻祖彼鸚
其眼而羅其紋味則鳳而形則用或奚足
取是不若茲瓦之而

屋陰生聚幘蒙霜雪蔽虧風雨是則用得其所付大
任於汝也豈期斐几呈材辭客與伍馭雖失宜其功
尚溥鍛我鉛鋒藉汝涵潛乞英靈於班馬鑑興亡於
今古大書特書猶足以旌朱游而削張禹也道士顧
笑吾子其為我賦之

三峰晴雪賦并序

乙亥歲冬十一月余以吏將事自蒲抵
華倉惶待命於塵空間望三峰晴雪煥
爛高潔曠不可尚已顧而自憐豈勝慚
穢適与左山商公遇於祠南栢行間歸
作是賦以寄其詞曰

華於衆嶽峻極莫之京号三峯絕觀松雪益其清号

倒景旁射銀闕爛崢嶸兮仙掌翻空灑爽下青冥兮
豈玉井蓮芳仙遊擁霓旌兮巨靈變現宅崑丘之瓊
兮金天移仗敬瑤華之宮兮冷飈吹而不滅海月照
還空兮軒豁呈露何物外之雄兮又如螭蟠之老子
與希夷之鉅公朗出天表飲太泉而遊封中兮安得
杖仙人之九節登神丘之崇兮問真源於白帝追二
公之蹤兮胡一行而作吏捨塵土之容兮對清都而
不克徃世故驅以東兮掉塵鞅而北驚刺梗滿吾曾
兮望岳神而三嘆歸夢挂岩松兮縱靈移之罔誚獨
不愧於躬兮歸而賦之吾言固誇猶足以為執執者
之清風也

熙春阮賦并序

玄暉上人得隆德故閣餘材斲而為阮
因以熙春日之亦文殊之義也至元戊
寅春同審尹端甫劉御史叔謙趙太博
彥伯坐心遠軒師為鼓綠水悲風二曲
清越悲壯坐客感歎興亡有愴然于懷
者師請予賦之其辭曰

天新兩風日妍心與閑會境趣靜便拉曠懷之逸士
過雪庵之老禪斂袂危坐添鑪炷於是出桂阮調
素絃控朏月而當挹撫筠柱之橫駢師曰茲熙春之
斷餘偶絲之而清圓者也遂鼓一再行清越悲壯如
泉咽冰底風行樾間脩脩兮欲斷而復作淙淙兮似
漱而還淺鏗爾擿銅丸之韻淒兮聆高樹之蟬又如

游士騁說劍歌去燕何倅氣之從橫激太清而沉羽
涖客乃呀然而驚慘然而悲信乎物之感人有不期
然而然者想老微之般樂盪侈魄以無前厭華陽之
湫隘敞樓居而致仙海鰲首拊金鵬翼騫鬱鼎蓮之
香霧鎖月殿之嬋娟蔭千秋之歌舞壽良岳而不騫
俄龍移而鼎去繼金亡而閣遷殆露繁之聲折悵秋
風而涕潛興廢一瞬兩朝百年委繁華於野草鎖莽
苑之荒煙咄此木之何幸遇幽人之達觀納彌盧於
芥子寓餘哀於一彈猶足以舞魚龍於海曲洗亡國
之愁顏也嗚呼噫嘻向之使人凜而悲者物詎能動
於人哉人之哀樂駭物之所牽不知太虛寥既寂而
玄唯此理之嘿識何繁華廢興之足嘆師曰子其為

我賦之吾欲秋月當戶松風滿軒寫仲容之別操合
清商而洞宣使雲陰蔽空玄鶴下蹀走商延於濮上
掩新聲於師涓也

吊廉將軍墓賦并序

三代而下功利之說興人臣擅恃功能
鮮以禮讓為國者觀頗挾勳內忿怙居
人下加諸彼不淺相如引車避嫌有犯
無校蓋出天稟粹然處之為非艱至頗
聞急先一言遽能握髮數罪受責門庭
在將臣為實難若將軍者可謂不遠而
復得無祇悔之義哉遂摛文以吊其倅曰
涉漳沱而北驚号過常山之故城何高丘之突兀号

爵劍氣之崢嶸野人指而告予曰此廉將軍之封陵也人與骨而塵朽兮義於繁乎日星遂陳辭而吊古兮命僕夫以傳征嗚呼休哉昔伯禹之所以聖兮始不伐而不矜秦誓之所以經兮善悔過而胥盟觀戰國之多士兮依稀猶三代之英惟功利之時尚兮天理有時而蔽明能不遠而復初兮其惟趙之廉卿方國都之中立兮滇內附而兵精頗分閫而秉鉞兮騰茂實而蜚英聲梁從隨而楚馨兮燕弭伏而齊并時有以卜將軍之意氣兮殆雷動而滿盈遽相臣之出右兮何發言之盈庭幾肉餒而食甘兮奮兩虎之必爭及聆急難之一言兮輒弭耳而服膺復頓顙而悔過兮折節負贖罪之荆在引車而不必多兮將臣及

此所以為古今之難能也逮漢起而帝稱兮禮飲至而策勲何諸將之失度兮至擊柱而紛紜安得將軍從容為一言兮解販繒屠狗之焚彼臣濬之冒羞兮加克渾之貪蒙嗟吳平於帝前兮互滔天而為已功安得將軍滌易其褊薄兮俾無成而有終嗟鄂國之列公兮挾勲勞而凌帝宗縱私忿而無忌兮一墮夫臣子之恭安得將軍北面而同列兮以中和之氣銷悍戾於未然之削也雖哀之而不能鑒兮文空言其奚庸繫慨慕其耿光兮日三省中微躬蕩吾伯夷之隘兮擴乎穆公之容希前賢而同升兮附驥尾而竭忠雖斷斷而無它兮庶幾廩廩德讓君子之風衝山煙而暮去撫鳴劍兮增雄

登常山故城賦

我登常山心慨歎兮斷城連絡蛇陳蜿兮憶當金盛
兩漢間兮萬井歌吹魚龍淵兮推埋劍擊習俗然兮
光沉響絕夫何言兮有懷古人秉心延兮交如餘耳
始足賢兮烈如顏表抗偽燕兮垂光竹帛星日懸兮
壯哉子龍屋而祀兮膽氣滿軀勇夫志兮賊瞞臣漢
得所事兮天理在人一符契兮千載仰止初無異兮
諒彼有立忠與義兮

鶴媒賦并序

中統二年予在上都掌記中堂客有負
青障挾長杖二鶴馴于後以廩繼來請
問其役曰以鶴取鹿者也嗚呼鶴善類

也喙雖長不鉤銛以噬爪雖巨無跡指
以攫而於鹿伏容有伎害其如人之不
仁何至元壬午冬興禮部王兄子冕因
話及此慨然有感由今人以智計相傾
內險外易者何殊於鶴之取鹿也作鶴
媒賦其辭曰

萬物者元氣之盜氣之靈者莫人若也既役物而君
之其忍以盜作智而爲得計乎如絳麋草間圖鷓鴣潔
地腐紙求蜂葉城網雉盜物矜雄此何足異以智獵
愚理固宜然用愚戕愚斯則不仁之亟也鶴本善類與
物無枝飛翔寥廓仙游之驥教之羽舞已遠元性詐
以標鹿遂戕彼命是則鶴之善人則用而險之返有

過於機穽也鶴了不知鹿終弗悟歲供庖厨皆鶴之
故何殊人心內險外易以詐假仁顯比陰忌將取彼
有則必姑與彼昏不知日狎而伍一落其機投足無
所誠何異以鶴而媒取也吾然後知物之顯暴者既
得預而防之愚而深中者尤不可玩而侮也示我同
志筆而為賦

玄猿賦 并序效庾開府體

至元十七年二月己卯清明日陪經摯

明祭丞相忠武公墓適嗣侯平章格自

靜江龍致是猿以獻西溪王通議命余

賦之以紀奇觀其辭曰

寶符之野瘴也齋鎮人初樂歲華新峴山正有墮淚

感走馬遠出西州門映堂塔之碧草陪開府之嚴裡
覩方物之束享宛有勝於攸聞繫尔猿之虫質何其
性之能馴素面掌許玄裳若纁尻不識尾臂長於身
一動一靜既恒且仁澗飲岩棲有彝有倫木方華而不
折菓視熟而呼分思全生於物表時隱見於冬春三
峽秋月九嶷暮雲雪嘯煙啼子從毋奔動射者傷弓
之慘驚山人應騁之輪衰楓林之逐客助永夜之露
巾其或冷挂虛壁幽尋窈冥避羣猿之喧躁悟善惡
之難并去王孫而夤絕誠可愛而彼可憎也故或者
謂衰周之士夫從昭王而南征痛膠舡之不返化若
類而成群恐此事之曠荒伊誰聞諸水濱淡夕陽於
平野送歸鞍之逡巡偶吐辭而為賦念此物之貞純

或體玄而尚寂要擇善而相親以升木而取喻庶有感於斯文

蟠木山賦

丁亥之冬夜氣清淑夢遊石林萬玉嵒岿明日與客
步入李叟叟字希賢之塾燎爐却寒有蟠者木輪困離奇
大屬吾目負之與歸而為秋澗坐中之物其為狀也
左抱右擁或疊或窪蹄股交峙口鼻互呀於是扶洞
允振泥沙分嶺嶂翦杈柯坳者壑突者了去朽剔蠹
磨光出華丹立赤城凌空散霞不知沈沈於地中者
幾年一旦聽吾喙之橫誇若乃峰頂改色湧雲倒懸
岩崦層出峽門洞穿刻畫嫫毋與施并妍其磊落盤
錯自一成而有足觀也吐此怪供強名曰山然為幸

也蓋有大於是焉不腐而為朽壤不化而為飛煙收
槁梧於爨下遇中郎而獲全蔭居華屋之底植立几
席之前聳太華三峰之秀有象江六石之堅終日與
伍似非偶然徒倚蒼精之蓋摩沙乎白鹿之巔何澹僻
之苦樂掇衆人之所捐吾愛夫始賤而終貴先汚而
後黜出神奇於腐朽虵凡骨而得仙者也噫以靜而
致壽者山之性隨帝而出震者木之權惟動靜之交
見渾體用於一源吾固衰謝拙於變遷以靜為樂以
安為便藏吾所別之器浩吾固有之天守介節而不
易庶茲蟠之可雋安時處順出良震兩者之間不然
造物者憐其不材辭翦伐而終天年其將亦惟周旋
孰得惡而舍旃客曰汝言雖夸以山木而較之似不

膠於一偏子其為我賦之若足以折詭辨於社叟發
新意於老泉也

秋澗先生大全文集卷第一

秋澗先生大全文集卷第二

五言古詩

拜奠魯文憲王廟二十八韻

丕承固云烈嗣王幼而冲嬉戲剪桐事安知多難衝
公乎若斯時岌岌遵渚鴻外謗流四國內疑叢一躬
負袞令百辟天心昭懿忠想當假寐際寅亮天地工
陳誥開治源奠遷啓洛宮南服靜海波東征殄元凶
吐握下白屋憲章沃淵藪罄單一德聖思兼三五功
及夫就臣位畏昏何惘惘制作萬萬古世道仍汙隆
至今豐鎬間凜有三代風饗以宮縣樂報之不為豐
宣父稱大哲寤寐雲從龍垂老無復夢慨焉吾道窮
丹青見遺像皜皜日在空臣子知所止仰之餘敬恭

悠悠蒼姬下輔相業不同論思機務地典調簿書叢
豈其世務勞經權有違從頌惟大臣體一節貴始終
伊公狼狽間不失體與容几几兩赤烏儼立如岱宗
我輩集衆美一言蔽其中至公絕貪私廊與天人通
作詩庶補衮九章十華蟲精誠有來格寒雲動龜蒙

拜奠

宣聖林墓

庭訓墮渺茫師授悖嚴誠羗予不惑年行已得夷隘
今歲客東魯但為神所介駕言逐秋風得展闕里拜
遙遙魯甸餘汶水走滄瀨憑軾望雲林鬱鬱佳氣鬢
齊莊趨兩楹奠獻成孤酌巋然三聖封仰止高泰岱
恨生千年後今夕備掃洒披雲覩天日太極開一晝
彼蒼詎能言諄諄聖為代三綱與九法範圍無內外

君臣以之定乾坤以之泰東周不可為述作萬世賴
藐聆徇鐸音元化雷雨解敬想燕居容金聲鏘玉佩
當時七十子授受儼如待鳳兮鳴幾時諸子涕秋籟
一朱亂紅紫百穀茂梯梯愚者甘下達誕者樂語怪
韞藏寶康瓠幹棄清廟甬明倫得不泯而有六經在
天高孰可階一氣包厚載茲遊固難言嘿契心有會
曾中九雲夢吞納失帶水循循善誘辭師也書諸帶
緬懷伯禽業郁郁文獻最三桓張公室霸功熾而忒
一奢去無復荒陵餘石獅煌煌天乙孫膚敏半冠蓋
德博慶自修道大世能邁金尼貫元精泗波來遠派
汪濊一聖海不隨梁木壞歸侍金絲堂攝齊聞謦欬
恍如到帝所鈞天廣樂備洗我兩耳聰肉味忘一噉

詠歸駕遺音風雅變鄘邶一簞老東家吾知其樂大
遲遲不忍去寒日下蒼檜

陪總管陳公肇祀商少師比干廟

元化形萬景浩浩無時無云何忠貞氣大昇先生軀
念昔有殷季天步移獨夫淫醜蕩祀典下民為毒痛
所崇盡奸回啓遜箕子奴師保乃云爾餘敢編其鬚
炎炎鹿臺火已兆明珠襦先生豈不知蔓草不可圖
顧親叔父尊以位仍三孤強諫誠我任剖心不為瘡
自靖暨殺身要之宗社扶所以宣父筆三仁同一途
繫公存亡間所係重有殊堂堂柱天手能摯火德烏
當時戡黎兵所侵良及膚周雖彼蒼眷加翼十亂謨
天其諫少行終鄙西人居稱師止觀政安取商郊車

一朝嘆云亡宗國隨之墟丹誠皎白日餘烈光八區
隼爾來代臣大節知所趨嗚呼介士嘆萬萬狂童且
今來二千載殷周兩榛蕪巍然一丘土高與西山俱
清霜九月節肇祀陪干榭肅拜列階下精爽動佩裾
世道有淪喪一忠千萬謨商歌振林樾日下悲風徂

擬韓子秋懷十一首

出郭行時稼秋風正嶷嶷臨川閱逝波浩浩去不已
富貴來幾時及此行樂耳把酒對西山坐看秋雲起
天矯化蛇龍異狀紛莫似世態初不殊儻來安可恃
我懷拔俗標干霄仰逸軌酒酣歌鳴嗚振衣私自喜
秋風拂庭柯物意自含悴松栢抱貞心表表歲寒地
長年豈致養易衰匪自恣浩浩一氣中所稟蓋殊異

人尤物之靈要以天爵貴

天運健 息君子戒靡曼讀書下硬塞肌腸充藿飯
造道苦不深紛華非所願秋風動黃鵠千里奚足嘆
風濤北溟鯤變化搏九萬大邦易為仁郁郁文獻半
出處貴有時莫遣夜鶴怨

攬衣起秋早露氣清凌凌偶書秋懷篇悞筆成蒼蠅
吾言固不佞未免人屢憎聖域有坦途學步高山陵
尋源有靈槎臨池弄鮪習我生恐不偶鄙事從多能
虛室生夜白清露發鶴警空庭海月上愛此良夕永
今年苦煩歎似值苛政猛眈眈秋風來汲深持短綆
庭菊被焚燎脫禍乃差幸朝來有佳色一笑倚軒屏
露叢低寒花促織泣暮景呼兒曝群書趣此秋日烟

弊帚享千金利途競織屨二者昧所思厥病失坐騁
既悟前日非敢事子淵請

長夜苦漫漫長空星斗暗商歌南山翁遺佚有餘憾
抵知享高明曾何恤鬼瞰而我獨於世滋味嚼蠟淡
畏途足風波凶凶洪水濫濯足尚云可浣纓豈宜暫
此身矧虛舟敢不慎簡纜天心幸私我書史日與勤
庶還浩浩天未害家儲甌

殘暑不肯退秋陽麗庭軒靜觀消長理警此歲月奔
成功嘿嘿去天道何曾言斂衣坐一室書帙散我前
開卷飫至味忘却盤中餚最愛歸去綈雋嚼了一篇
作者古不少文字浩万千感君固窮節當年亦辛酸
遙持酒一瓢同醉東籬邊九原不可作念之終歲年

青竹不耐暑索寞葉乾白露下天宇洗此青琅玕
風枝欹餘潤暗滿佳菊團依依南飛鵲遠枝擇所安
感時賦秋懷古井翻晴瀾我生分已定安用智走丸
出門安所之呼兒解征鞍

閉門秋月上靜院
幽人掩窓卧一室
翻虛明四序修以周
代謝何其誠
物華有盛衰
天地從虛盈
君子順所履
持身嚴五兵
牛羊且且伐
山木何以榮
所慎獨處際
心蕩韓盧令

離離壠上禾
望望日收好
不勤耘耔功
秀實苦不早
西風卷黃雲
收穫走隣保
荒田棄足惜
握之速其槁
致役貴厥初
無為宋人道

九日和淵明詩韻

九日天氣好
淡遊無友生
懷哉曠達士
愛此佳節名
野迥秋山高
遠目增雙明
手把霜菊枝
吟泛風葉聲
人生天地間
強矯無百齡
歲月不我與
大川日東傾
且酌一尊酒
遺彼五鼎榮
滿挹風露香
陶我醉後情
遇坎且復止
吾器期晚成

今歲節序晚
天氣秋夏交
衰草伴佳菊
藉暖亦後凋
居閑愛節物
不辭遠升高
川澄涵鴈影
空曠曖微霄
舉觴酌時人
塵空乃爾勞
中間百憂集
龜卜將日焦
何如遺世士
空杯樂亦陶
得酒且歡喜
誰能保來朝

寒雀歎

閑庭有遺粒
寒雀往還飛
眴睐傍無人
翔集下踈籬
一啄復三顧
慮為物所闕
幽人負暄坐
玩之淡忘機

一笑拂衣起群驚向空歸因之感吾生分外非所期
富貴倘僥倖何殊鳥驚疑吾儕以義榮先賢有良規

觀葬者有感走筆為賦

西鄰送喪車前後餘百人少壯亦歎歎老大尤悲辛
殯歸煮蒿里奄忽隨沙塵逝者長悠悠魄散還蒼昊
存者但追悼蠶蠶時空陳人生天地間變化朝菌新
冥冥夜臺下念之傷心神大限百歲止憂喜還相因
况且不滿百忍使憂纏身青春不再至歲月波注輪
有釀不來飲負此頭上巾

自喻

吾性懶且拙置書未嘗觀興來一披讀暫涉意已闌
因傷中道畫勉力鞭使前奈彼外物誘既往輒復還

年來天與幸緣當函文間朝昏迫童課未免親書編
開緘三嘆息知學今十年雖傳失自習所得亦以偏
正如乘跛馬十步九躓顛引領望聖域尺綆汲文泉
有時尋墜緒意會亦愜然務敏修乃來自棄誠可憐
譬彼執鋤鏹緩治榛蕪田縱弗曰敬熟猶愈埋荒煙
進進久不輟功豈止百墨九原雖不復聖道具蹄筌
堯舜等人耳悉自學至馬從茲自發樂浩浩還吾天

改葬冥漠君

買樹植中唐下鋪得髑骨生世何為者何年此埋沒
周身瓦作棺上有劫灰覆黃泥滿鬪體麥枕餘故物
神奇到腐朽貴賤辨無復惻然戒僮僕撥拾百骸足
徹我床上簣包裹葬城隩遺奠酒一杯祭汝一盂餼

同區三十年今始改兆卜死者謂有知夢寐不一囑
幽沉起有時掩骼適春燠豈復識此為庶慰我心曲
不無撻蓬嘆何必挑荊被免汝踐辱羞我豈徵冥福
長眠一抔土野祭露贖馥莫羨麒麟塚發掘為珠擯
自買身後禍安用高哭元去去冥漠君九原春草綠

青青兩桐樹示兒子阿孺

青青兩桐樹乞自幽人居植我庭堦下護養嬰孩如
汲水時一溉要令地脉濡起架障炎曦插籬周四隅
眇柯日怡顏手把種樹書及夫始華月春芽茁蒼珠
朝來秀色發衆葉卷且舒終朝三摩挲愛此青玉株
亭亭一尺影翠蓋遮門廬嗟爾琴瑟材中與霜籟俱
達哉蔡中郎救爾煨燼餘我望十年後直幹凌碧虛

秋聲泛韶濩雲表來鶴鷗且天生萬物因材而篤諸
裁者厚其生傾者不尔扶譬彼青衿子致養在厥初
必擴心與志毋適尺寸膚然有才不才學焉因爾殊
緬懷孟軻訓書以示阿奴

鹿喻

我本麋鹿性出處安自然金鑣非所慕志在長林煙
得遠機穿地食苹飲清泉呦鳴錫同類甘以辭華軒
野兕出其側暗蹂山前田農家伺所害乃知獸之愆
彼兕以計去嘉禾歲芊芊野人居山中數畝事墾鄙
慮為町疇場指鹿乃兕屬雖無獨刃心見之惡且逐
鹿心素無機淡與標枝閑遁跡入幽谷擇音遠人寰
尚為山中人置疑齒頰間

送宋大使漢臣之任延安

四海王翰林高情比雲月一甌密雲籠過門誰復發
宋君平生交矯矯峻風節况經患難間邂逅叙闊契
每來倒屣迎所請無不說賦詩近盈軸沽酒慰久客
都門冠蓋揚聲華愈昭晰我初識君面論交心莫逆
相看自淇水燕地最多日吟鞍賞春華茶鐺煮晴雪
劇談挾銳梨洞達矢堅壁茲馬一載強相從復相覓
喜聞得新除腰金出省闈烏臺退食歸入戶履齒折
朝來高軒過打門欣告別情親近中年何啻數日惡
天涯兩淪落歲暮悲風發人生幾河梁底物慰愁結
觴君病不能贈言素所拙君侯天下士抱負經世業
鞭笞致錢流論吐究時瘼吾子兩餘裕它人雙落寞

黃鵠志千里秋天擬橫絕誰能雜鳧鴈羣飛爭飢啄
茲行固非僚歸愈垂空橐儘新僮僕敬大慰妻子色
延安西北秦地與羌渾接王民六十載厥賦尚寡弱
保障慮不遑徵收肯騷削綠樹空野煙山澤入籠絡
秦風與隴月慘悴自茲作邊氓靖為重聚斂聖所作
臨淵得河潤當念遠并渴得書下下考吾子亦云樂
我詩春秋法責備賢與拓此心能不爽蓬華乃麟閣
不煩雙鯉魚時遣慰離索

溪田暮歸

踈林煙火微草露濕芒屨遲歸路長清月掛林杪
依依南飛鵲幾回驚且繞一枝幸得安誰復睇雲表
田家固作苦遺安子孫寶彭澤白日令解紱徑歸老

我心默有契，廢爵豈不好。違已病交攻，飢凍止枯槁。
躬耕南澗垂，浩歌槃樂考。

散步清溪湄

散步清溪湄，林殫憶鮮食。沙頭有漁樂，呼童樂閑逸。
波清滿遊鯈，鱗鱗分纖悉。雖微知所避，矰之不可得。
悠然逐風漪，相忘萍藻密。達人濠上樂，政自觀其適。
人生風埃中，與爾何差別。區區一已私，奔走抵溟極。
萬事恐偶然，胡為較得失。舉網出深淵，高樹掛冥色。
長笑歸去來，吾道無固必。

讀林和靖詩集

枯梢振驚翮，茅齋寒日短。幽懷久不樂，訪友橋南館。
探囊得逋集，塵臆欣一浣。賡歌竟遺編，佳處時再款。

先生玄豹姿，清風滿朝簡。仿像詩骨清，雲嶺松雪偃。
湖光與山綠，几席供奇產。呼吸貯肝脾，元氣筆下縮。
逸情薄雲月，幽律發葭管。靜觀周物靈，遠覽豁襟散。
清遺郊島寒，淡入陶韋坦。孤山富梅竹，香動春江暖。
篇中幾致意，似慰平生眼。客來佳話餘，橫琴浮茗椀。
是中有真趣，風味亦不淺。廬洛與寺閣，意適欲忘返。
長空渺孤鶴，容與歸舟晚。如斯六十春，突傲一何衍。
相去羲皇間，不到牛鳴遠。暮歸倚窗眠，清興江湖滿。
雋來愜初心，有味參王版。燈花喜共妍，一笑成微莞。
人生無百歲，胡為日憂懣。擾擾聲塵中，任事同蟪蛄。

西溪始泛同王子初訪王柔克

自此多經

點竄

閑人無所適心向靜境趨今日欣有得快如脫籠拘
步出郭西門偶與佳友俱舍杖棹清溪忘授圯上書
舟輕風浪平泛若乘流晃波光灑舳頭雲陰翳平蕪
畸人驚見之輟耕立河淤白鳥去不遠前飛如導予
故人喜我至就舟與相娛呼童下泝流載入酒滿壺
促膝兩舷間鰕魚雜肴疏吟杯斟且停要看傍岸漁
從下恐忘返欲上意轉徐瞪目看銀刀不知寒日晡
織鱗竟莫獲豈謂吾網疎顧此一溝水安取松江鱸
舟人云不爾近多狡獪徒散毒河伯宮掇取地芥如
卵毀鳳不至禁罟自有餘釣網詎可並况乃詭計圖
射利一至此世途足崎嶇歸時還一笑兩岸風生蒲

擬古

北山介公壽也公之德澤及物如山之蓄殖焉
是宜得厥位而享其壽也故作是詩以頌焉
瞻彼北山維石嵯嵯邦民仰止匪丘匪阿既峻而極
復委而佗元氣中宰所蕃實多維公之德如山而我
瞻彼北泉維漉于垠涘涘其源浩浩其春澄之弗徹
撓之莫渾潤餘一方波彼四隣維公之澤如泉之新
瞻彼北山有松桓桓桓氣幹千尺盡歲之寒棟樑大厦
是依是安未皇厥用心怡體胖美蔭所庇物為一天
匪惟萬籬有蕭有蘭受德匪報某管厚顏維公之壽
如松之年

北山三章二章二十句一章十六句

過劉元海陵寢

漢統天久絕漢恩一何深隔遠魏晉代猶足收民心
咄嗟呼韓子崛起蒲離陰自云漢婿甥赫怒開寶沈
左顧龍在野右咤虎嘯林吹嘘炎燼餘五部來謳吟
阿聰奮餘烈兩京隨掃平竊據二紀強文物有足矜
我來拜陵寢悚然振冠纓風雲渺何許廢蝶餘金城
賢哉劉淑妃成此直諫名在聰未為疵假義淵可稱
孰云仁義師可敵不可征桓桓祁山舉一出三輔驚
天其假公年載洗六合清此志竟莫遂此邦還有成
所以廣武漢痛惜無豪英山煙知客意斜日生荒陵

遊萬固寺

中條鬱蒼蒼首尾固雄大連山一卧虎矯首盡兩戒
東南万峪門犖确入幽阨空青上絕壁截葉兩崖對

南山開畫幙高下蔚萬槍扶藜到山門黃衣六七輩
寺殘薄心賞一水良可愛尋源入雲蘿不惜阮屐敗
搗飲清臆塵坐睨巨石恠山空響佩環林迥騰怒猊
行聽溪聲回周覽詢勝槩當年爽心亭萬竹爭映帶
碧鮮照清泚襟袂濯沆瀣人境兩渺茫佳句儘誇邁
舊月石刻坡詩云水自竹根流出風從松頂飄來座上爲佳士更無一點塵埃開軒邀客
飯放目欣一快盤餐固踈糲泉冽幾肉最少馬林風
振萬壑一氣噫前林疑虎嘯作勇助吾憊筆落還自
驚一掃衆峰峻寺僧請書巖閣名故云山僧喜醉顛海會得珠
具興來本無心遊戲詫佛界夕陽送歸鞍依約虎谿
外風煙作破墨塔廟失所在鍾英厭摹寫闕伏化機
謁盤空乏硬語技癢苦無賴馬首詩遽成一笑豁吾隘

靜樂堂

人生霄壤間動靜藏妙用一為外物遷舉足非禮動
惟夫操存人而與天理共紛紜萬變來一一皆折衷
問之果何因性定心自統心宰物隨化奚俟人指縱
體安氣靜徐內熱失急闕茲馬須吏離不啻天地寧
梁君出豪右表表從儀鳳意氣杯酒間談笑百金重
一旦刮餘習紛華不復夢省躬日有得守約還自誠
霜餘波自澄雨退雲知洞復我浩浩天多言譏屢中
客來掩書坐香動玻璃甕灑然一室中萬象入持控
知君樂無涯五絃歌雅頌

舜泉

在河中府南三十里夏陽村東歷山聖

人嶺下舜峪內至元壬申冬十二月十
四日來游

舍鞍夏陽西塞裳躡雲頂盤折下濬溝失身墮幽阱
孤松突危巔望望雙目炯不圖兩芒屨踐迹聖人嶺
重華不復返欽此孝慕炳降觀臨帝泉冠珮為肅整
弘澄一勺多浩若淵水迥徜徉不忍去杯飲濯帶梗
慨焉念高風滅沒翻倒景野人前致辭此事傳歲永
有鯨昔在微怒為瞽所屏窮歸此來田號泣痛自省
空山無所得扶耒子孤影被蒼乾聖誠喝餒恐成昔
一夕兩崖間二水出俄頃北崖縈帶流南壑湛寒井
至今山中人飲食了二頃我生千載后懷古心耿耿
風俗日淪喪道義奚所秉安得天瓢手挹此霜露等

千林摧姦枿比屋化封穎滌易臣子心
骹骸變骨鯁暮歸田舍眠有志安得騁
此心恐未能作詩聊自傲且當就岩蕨
酌水煮殷鼎

跋席懷遠臨終語錄

人當易簣際發言罔不善昏矇迷本真
狂者涉誕幻倚嗟席懷遠洞徹生死寢
日氣薄西山曦乎天理見諄諄忠孝
言垂戒漢馬援洒然明月懷身後照
鄉縣賡歌諸賢詩清風一家傳

錄老農語場曲道中作

老翁揭溝水駐馬待樹間雙脰怯朝
涉歎傾激衝湍既濟問老翁荷鋤何
所還筋力一何弱甲子今幾焉斂手
前致辭星紀凡七旋有妻喪已久有
子病且殘

舉家無營業止有田一廛禾生迷東西
老兩荒草芊耘鋤庶有獲聊以卒歲年
饋粥乃余事要輸包塿錢有身占當復
以老聖所安二者不能必聞之鼻為酸
我食爾糲作詩告京官

吳大使子明致樂堂

人生有至樂榮貴了不干人子有至養
三牲非所先宣父語經訓承顏首為難
南咳著深戒不獨馨盤餐眷戀庭闈心
朝夕靡運安問寢與侍膳樂在融融間
所以極愛敬要聲平生懽具君出統綺
孝純思力殫垂頌髮已素娛親衣尚班
天意亦有在一官仕鄉關稱觴歲上壽
香火欣團欒此身不願貴有家從苟完
願親日康寧子容紫庭蘭毫彩神與相
慈顏渥而丹

發光謁萱室嬰香芬珮環壺族化柔懿周南詠幽閑
高堂啟溫清題扁存鑑觀致樂無復尚守身老彌堅
庶幾寸草心少報春輝妍堯都三萬家清風渺誰攀
作詩頌匪匱錫類君其端會當蒙顯異寵光爛門闌
三釜我祿餘履霜非謂寒一飽及妻子因君起長嘆
瀟瀟風樹底悲絕仲由寤

遣發僕夫李老櫬歸瘞淇上

至元癸酉後六月十九日死于平陽寓舍

來自東西劔相看二十年因罹兵燼厄重結主奴緣
薪水嗟初服耕藉遂兩天挈身辭戮辱得病便沈綿
藥餌功無効棺衾禮罔愆汝魂應有識歸到水西田

感寓

荆岩產竒寶輝山生五色鳳鳥集其上採者終莫識
卞生具神眼抱泣天地珍稱喻日百至此璠此玞玕
一世竟莫售指卞為瞽人負之獻楚子致前須近臣
豈知事大繆反取按劔噴獲譴或不賞戮辱終其身
所以苦節士萬古潛悲辛

陳村待渡

河行虛壤間隨意東西卧我邊汾水行十日凡兩過
沮濡變深淵野航驚漏破篙師怯吾衰傳呼細扶拖
朝來大陳渡細攏得久坐山川隱佳句軒豁矜寡和
秋風吹馬去行看林葉墮

沁水道中

蒼巖互出縮峪勢曲走蛇回眺驚後擁迎看復橫瀟

雲林蕩高秋半嶺翻清霞十里九渡水清流帶寒沙
山溪本幽寂激之聲乃譁解鞍憇美蔭覺我心靜嘉
風技滿秋實野菊被水涯幽馨散蘭馥紅鮮綴丹砂
二物固鎖碎託興騷人誇我欣記所見信筆書田家
宿板橋田舍

山村極幽僻坡嶺還四面麋鹿日與伍自餘無所見
趨來事文石供給半山縣倦枕聽呼號相次過夜半

過鹿臺山

在澤州沁水縣南二十里時被安西王

命伐石於此

遠尋文石崗來歷南山纏鹿臺基為山幽徑蟠古篆
後峪行未盡前嶺已當面秋聲蕩林越風露寢以法

陰壑氣翳鬱疑有虎豹變山田苦無多溝塹耕已遍
柴援結半空羅絡碧岩轉自憐終歲勤獸患防一旦
我本山中人束帶對郵掾頓然還舊觀瀟灑憤夙願
行經雙蟾嶺石怪驚變現聞首榭樹間氣自太古練
月中誰推墜囚鎖屬山縣乃知北平守認虎飲茹一作
羽箭物肖本偶然長歌下層巖

觀穫蕎麥

搖搖珊瑚枝浥浥露光潤霜餘秋實繁壟畝欣一瞬
野人趁時穫拖車施素刃前推約步長偃仆為一順
風來湯餅香玉粒夢炊旣田間還自笑三載拋山郡
肥甘與菲薄一飯吾有分坎止與流行何思復何悶

臨汾節婦吟

松筠四時青特與凡木別弱草不自持風霜易摧折
坤柔變乾剛彤管古所說臨汾孫氏媪寡操抱貞節
之死誓靡它棲心入霜月事姑極孝養教子承世業
神明與扶持骨健丹浮頰我觀中壘傳於繁古英烈
作詩備採官徽名繼前哲

過鹿臺西嶺


乙亥八月二十九日偕沁水縣尹李君
飛御詠治道馬上作

鹿臺西南麓石路何杻枿青林轉幽深一水中可嘉
遠從半山來長流石為窪一泓湛寒碧野飲供齋麋
濕雲擁絕壁灑爽露巾紗我所為緩轡瞻立溪之涯
恍疑桃花源錦樹蒸紅霞畸人指前途兩點蒼山巖

荅老農語

風梢怒號寒駕言復西邁吟鞭趁羸驟直走壺口阨
俯緣絕澗源仰看孤石大陽崖栢青青陰嶺雪全蓋
詩脾儘餘清灑氣溢襟帶行行遇老農馬首言突載
前時使君公治此遠困憊事成固國力規畫良匪懈
一朝文石去永利予等賴茲焉詎可忘衆意見遺愛
連章供監司大爵伸一快既聞父老言慚汗流浹背
道開非吾功物出數有存泥予分當然添足恐成怪
夕陽澹前峰凝睇飛鳥外是中有佳趣野譽吾敢介

秋澗先生大全文集卷第二



秋澗先生大全文集卷第三

五言古詩

題玉石蓮華洞道院壁

東山一何高，細路石龍窾。宵從絕澗底，陟上盤峻塚。
模糊松間雪，照映列孤碧。衣飄遠壑風，馬滑陰嶺凍。
拾鞍強躋攀，慰定腰膝痛。吾非樂險遊，靈跡訪仙洞。
當年白帽翁，恍惚見醫夢。進功力開鑿，怒攫鬚鬣動。
毛麾語怪徒，筆以真作備。至今城市人，誕說猶洵洵。
好奇更過予，一笑為腹捧。西山遊欲遍，物產多給用。
爾焉最不才，任土無可貢。濯濯殆赭餘，地冷物寡種。
我來探是穴，木葉恣填壅。青藜試撥觀，陰背一罇孔。
廣深無丈尺，蟾吻呀劍啐。回環聚乳坎，歲久垂巨蠅。

白猿竟何有流石變擁腫太史載禹穴登覽想森悚
不經聖人手後世妄增寵况茲何足云遺構託以重
作詩破群疑擲地驚墜壘道人亦釋然別遠猶目送
來者儻志同三復賈餘勇

御驃出虜圖

何人拂絹素寫此房駟精一馬老伏櫪志在千里行
二馬騁蹏啣角壯猶龍騰一馬方鞞塵海岸翻鯨鯨
畫師慘澹意落筆矜多能我觀寓所感國制貴有經
唐人重馬政分屯列郊堠當時百万匹肅肅羅天兵
東封與西蕩歲用不可勝嗣王獵其餘尚足開中興
乃知三軍本匪馬將奚憑聖經說備預乃古為世程
倉卒事亦辦未免衆目驚我思立仗間振鬣伸長鳴

吾言固蕩蕤聖經其可輕

題呂充隱和陶詩卷後

呂字明復武陟人金亡居襄陽尋渡江

居鄂

昔從顛軒遊嘉話半耆耆每及充隱君稱道弗容口
自憐野逸姿佳潏乃師友聞風即欣慕高興渺林藪
况吟平生篇開卷察瓊玖君詩江西來一旦落吾手
正襟三復餘酣飲得重耐外枯含至腴霜落溪水瀏
嚮來和陶作雲夢吞八九金鑪出大音何俟寸筵扣
吾愛先生心吾尚隱君守當時淮西役臨事見不偶
吾策君可屈此身孰得有先生歌鳳徒簪紱胡可誘
高情薄雲月流詠見不朽九原儻可作清江變醇酒

眼中杖履來礪礪門邊柳與背一壺遊秋毫峴山首

昆陽懷古

行役宛葉郊路入昆陽城渚水抱城左蕩滴東南傾
川原入四顧蟠互多尚陵城頽削懸崖草深惡鷓鴣
嗟爾一杯土當此百萬兵莽圖十九年聚此天為阮
王者况不死千騎驚龍騰漢業兆豐沛赤伏此中興
創復兩不易山川賁雄名東西遙相望盤盤兩神京
千年事雲散草木含威靈野人無所知城邊事春耕
扶犁上廢壘壠畝縱復橫只應懷古士千古愴餘情

為煉坡昆

苦熱歎四十六韻效昌黎體

祝融駕火蚪頓轡周八裔戰酣西北乾回薄餘暮熾

朱光沸震淵大地蒸一氣蒼茫夜色溼醜鬱玄象醉
今年六月中荼毒逾往歲金晶才始狀燦怒勢此銳
炎官張火傘屏翳揚赤幟四合敵陳來一鼓赫離冶
天潢影半涸星身芒欲甚吟風樹葉噤塌翻林鳥墜
併蕪坎允權不使天地閉王城十萬家燻灼迫一勢
乾坤墮熾尾逸德駭天吏掩關人事絕藏伏敢二議
寒裳起中夜通夕不容寐捫臂赭汗流窺井湯泉沸
松間有困鶴無夢到清唳墻根有腐草螢化光暫暫
穿簾入我室照眼驚火齊陰蟾道老魄火鼠騁點智
夜深過我前跳躡飲器屋古又足竭伺螿尤謹避
蠶紋燎炎輝側脅能少憩舉動體愼熟歎欬氣短細
抱冰眠或可揮髮何所濟二年客京師身幸置散地

雖無束帶勞唯老覺加倍彷徨不知曙種髮冰而被
四序本平分偏感誰所致火攻出下策不已燔万類
嗟此一世人嗚死將何厲此生匪金石流鏢吁可畏
內熱復自焚衰槁將立至燥惟以靜勝事須以義制
冰山詎可依煬竈非所媚遐想崑崙峻巖庭觀何偉麗
巍然五千仞日月光隱蔽回環十上樓空明澹無際
水晶作柱礎群玉絢軒陛天風掠枕席月露濕環帔
瑤臺擁灑靈萬舞發清吹真仙事朝元鸞鳳互驟翳
閨風接玄圃追陪憶遊戲何年墮塵緣坐想無由詣
安得萬里風振此垂天翅脫落區中囚高舉尋吾契

聽講呂刑諸篇

至元十六年己卯歲冬十二月十七日

中山府明新堂雪夜會府尹史子華貳
政朱信弼泊諸吏屬聽教官滕仲禮講
周書呂刑論孟諸篇

凄風布雲葉寒日慘不光先集觀微霰轉盼鷲毛揚
一天陽和氣散入中山堂公堂何所有曹務紛刑章
竟日椎與扑令人足悲傷廉隅是何物僥倖為尋常
淪胥一至此禮義從消亡涉淵不自濟試以舟楫航
郡侯樂與善揮搗噪其傍况復得佳士問學陂汪洋
一編周穆書靈匪深慈祥爰念盡心戒披衍何琅琅
敷明發蘊奧遠紹開微茫大羹得至味黍稷非馨香
狐白有餘燠弊緼非所當衆目鑿靜曠同僚益温良
夜久不能寐孰知冰雪零定武古戰國風俗稱雄強

今夕復何夕弦歌破天荒吏散擁衾卧薄俗思溥臣
大決洙泗波浩蕩前群盲此事恐難必此志詎能忘
一州稍安行一方賜無量比老及一見此外吾何望
打窻聽雪聲起視夜已央

謝子文龍尾藤策之贈

子文善方伎好從吾輩游城居三十年藥惠遍八州
我適駐棘津數見禮肆修循循似不能氣克何和柔
贈我龍尾研加以蒼藤脩杖為扶我衰研用供冥搜
入手三摩挲白雲滿汀洲意重無所吝在我將何求
君言愛余書落紙雲煙浮儻蒙數字惠求作千金收
既聞因語君我老拙所謀有時縱惡扎聊用寫殷憂
如君濟物心胡為効予尤喜抱弊帚歸兩袖紛琳瑯

客去倚窻坐念之思夷猶悠誰期淡癖中亦有同
好流呼兒一題詩持贈相為壽

贈仲溫教授求授真訣

僕年五十餘氣志覺衰羸耳厭秋蟬號目眩昏花眊
癯鍾百熊具何啻鬚髮皓竭來觀津邑有幸遇醫老
仰開浩浩天俗學歸一掃息心抱吾真辨之當在早
人生堪輿間雖靈貴強矯不然一物耳歲久等枯槁
况復智物誘內熱日煎擾不聞山木喻樗散元壽考
守身為最大自餘皆細眇亟當念所存夕惕謹持保
授我內經旨根命入幽討促膝語三日底裏為傾倒
會合豈易得相逢恨草草多君濟物誠憐我慕丘禱
夜闌耿無寐再拜獲至寶作詩代瓊琚相期永為好

泛漳篇并序

予以王事奔命今春環走二千餘里前
次漳陰車殆馬煩且得目眩髀痛疾遠
不能騎舟行東下庶得一日之休富覽
大川勉卒來事作泛舟篇以見意時至
元辛巳四月十一日也

盤盤魏大名屬縣行且周銷我髀囊肉四月猶綿
舍車出漳陰步上妨頭舟呶啞理雙棹信舫下中流
清風泛微瀾篙師訝當頭豈知河伯意故故為遲留
汀花助行吟孰取澤畔愁解衣卧蓬底穩似畫舫幽
駭觀兩岸移灣環轉林丘灘回淺能遊波富去自滿
拍拍風水聲兩打空階秋白鳥何處來雪點河之洲

前飛如導予翔集聲啁啾欽念川上嘆晝夜何悠悠
宜為智者樂曲折涵至柔中擅利物功轉漕半九州
君看萬斛載掀舞一葉浮仍為勉不息能若茲水不
行行望沙麓且得一日休呼兒覓殘紙題作漳川遊

栢亭嘆

至元十八年七月初二日次栢鄉因所
見而作

烏巢一枝多田薄萬榦林富覽擅已有振羽辭凡禽
傾身附老鷗翔集千仞岑既切彼所習復接鳴鳳音
秋空恣搏擊鷲老有弗任勢大不兩立擠彼歸幽沉
健雛從天來赫赫威制臨毒拳奮所宣坼裂顙與衿
縣官籍其家富埒郭穴金懷壁匹夫罪况此皆漁侵

行植栢亭傳緩轡側我吟前車滿擊戮後車載瑜琛
乃知非分福禍養儉人深行路莫為惜但云神理忱
豺豕與蛇虺吞噬蓋本心天道喜報復自昔非獨今
戾氣容有已怨讎日相尋一禮制萬動千古聖所欽
何當民志定無復僭與淫

九門道中

至元十八年十一月六日同察司諸公
會薛董簽院於南董高里原還過九門

故城作

朔風暮轉劇曠野埃霾昏長鞭驅羸驂日晏東南奔
義有執紼役重過孤城闔邑居廢與置代遠不必論
緬懷武靈舉騎服開雄尊國聽固自我臣義憤亦惻

潛師襲中山萬馬出此門林樓九原塞英氣為一吞
睥睨五雄間霸業幾桓文至今西林阜隱隱猶兵屯
一朝探雀鷄溲死秋槐根人事靡不初克終乃可云
野老無所識引宿投荒村吹燈具萍粥士雉焚使溫
解我寒悴色謝官非所存就枕固不寤一覺東方暾

野河渡

蒼茫劉橋渡南北凡幾過清霜十月交澄湛東流波
飲馬立水邊照我兩鬢皤行役非所苦傷懷動悲歌
三年恒山趙彈劾兼拊摩熬熬眼中民力弊差與科
不能一勺潤慰彼煩與痼頽此衣帶水溉載功寔多
人而反不若低首愧野河素餐吾可逃柰此蒼生何

菊歎沙河縣作

佳菊如幽人蔬畦溷凡卉遠叢嘆萎啗與我初不異
秋香期爛熳培植須早計呼童既清泉乘曉看生意
繁根溢芳滋秀色失枯悴一物苟獲養面皆見盜睥
人生胡不然浩浩存夜氣

輓漕篇一作拖舟詞

湯湯汶水波西驚復東注勢雖汗漫來止可流東楚
發源本清淺才夏即沮如安能浮重載通漕越齊魯
有時汎商船潦漲藉秋雨舡官行有程至此日艱阻
鉅野到齊東着淺凡幾處必資州縣力滯滯方可度
漫村趕丁夫所在沸官府先須刮流沙推挽代篙艫
硬拖泥水行奚異暮盪勞涉寒痺股腓負重傷背脊
咫尺遠千里跬步百舉武茲焉幸得過斷流行復阻

又須集牛車陸通入前浦中間吏因緣為弊不可數
蠻稍貪如狼總壓暴於虎所經輒繹騷不若被掠虜
盼盼入海口未免風浪鼓舟中一斛粟百姓幾辛苦
今復起堰埧壅積百方禦水石動萬計科配困氓伍
不思根源微隄障深幾許轉漕本便民廣儲實國補
事功貴順成勉強終齟齬海道事已然又復有此舉
惜將生民力委棄若泥土山東實重地一靜乃可撫
嘗聞建隆間有相曰趙普凡百投利人罷遣皆不取
以茲報國恩後世比申甫黃閣十餘年清風一萬古

元日示孫阿韃六十韻

璠璣世重寶就器須磨鐫杞柳固凡木矯揉成柘栲
人雖物之靈學則全其天蛾子積大垤禮經存至言

多學卓有立孔門稱子淵吾年八九歲入學鄉校間
外傳既善誘汝曾從勉旃暮觀子夜後晨讀霜月邊
日課字三百熟誦例半千十三至十六詩賦填全篇
十九學蘇門遂親經史筵潛闕義理窟弄筆勢翩翩
遺山紫陽翁鹿庵暨神川四老鑄顏手誨我扣兩端
騰口為獎藉孺子有足觀自後雖努力已為家務纏
隨復就力列一身縛微官道德負初心聰明非日前
歲月不我與齒豁童其顛猶能致祿位分持憲司權
出入鶴蓋陰紫袍金帶鮮舉家初不識啼饑與號寒
政自稽古力汝曾極周旋切誠習刀筆有來戴儒冠
傳家無長物臨終付青氈有書五千卷大半親手編
三世無白屋辛苦天所憐多財祇益愚讀書可希賢

遺訓毋此替我目瞑下泉汝生今十歲小字名阿鞬
貌端娟且靜氣吐清而圓妍皮裹癡骨了不直一錢
致身文學中不負三輩傳後事實汝責窳鵠望飛騫
四民士為貴六經學之原身安得所師志節先強堅
憤排務時敏効習心眼專人廿已則百人眠已不眠
事業一燈苦聲筆四方喧唾手取青紫如拾地芥焉
子孫丐葦澤其衽將綿綿但見讀書貴但知讀書便
重則復其家輕則雜泛蠲不見編戶氓差徭日相煎
里胥微歛急追呼到推牽汝若學不立非農即商黷
更下作奔趣為人執弭鞭尔雖士夫裔所習失之偏
不學入常流學者乘高軒我嘗感時輩貴賤難相攀
何啻龍與豬過甚霄壤懸子孫轉下愚門戶日凋殘

或祇為士子終身尚高閑向來徵斂暴略不相為干
近多置書家萬卷圖好看來者不一讀非質即棄捐
人果不好學方寸如廢田良苗復何有節塞深荒烟
皇皇七篇書義利何昭宣堯舜等人耳有為即差肩
我家徙鄆衛將近二百年素業農與儒宗族頗嬋媽
囑汝善繼述可光新舊什我老不足法汝曾言不刊
念茲復在茲敬之若銘盤力學貴穉齒收功良匪難
勿成若天性習慣如自然所以昌黎公恩義戒奪遷
願汝事斯語佩服如韋弦我文多漫與此詩不可謾

桑蟲歎

行行桑間人執柯爭擊扑樹根擁圓壤持鋤待掩覆
云是振桑蟲除治絕遺育咄哉此何為與蠶同出沒

千林綠如雲一掃若湯沃不知絲忽腸其大容幾斛
春蠶眠正飢蠶蠢富厥族湯盆出新絲奪自汝口腹
無衣四海寒十千帛一束老農前致詞近歲旱何酷
無乃民作孽其或時事促十年餐險食邇來險不復
嘗云和致祥野成繭與穀皆緣一氣間修省轉留福
望望惜兩乾汝等稱濟物駢駢吞老農嘿尔私自囑
調元真宰事吾輩乃碌碌低頭愧畸人張口待廩粟

靈光塔并序

予自京師南還赤日黃塵走六百餘里及
登茲觀煩襟倦思頓為一醒因書斐作二
士一韻以記來曾

我從京師來望望入定武靈光古傑觀截業上雲雨

何年僧令能建此壯佛宇浮雲衛浩劫神力湧坤土
經過二十年未暇登陟舉坡仙遺墨在平日思一觀
初穿若蜃樓轉上疑戰檜拾級有餘平緩步無陡苦
最愛洞腹寬豁達儘容與盤折抵絕巔未省吾背儂
心清聞妙香風烈不知暑迥臨增雙明徒倚慄兩股
漳池黃一綫太行青可數江山有清眺萬象入延佇
乃知灑爽氣物外自吞吐應冷闌闌入下與塵全件
斜陽淡高層風鈴時自語靈光久無光雄筆照千古
摩挲墨花昏瞪視遽如許清風冠高標猶足跨震緒
龍象幸護持取重此窄堵六高顯也

春榆嘆

昨遊封龍廻行行憫農耕午憇得美蔭飲馬常山城

有婦挾筐宮木皮白縱橫柴門臨野碓春治無停聲
朝食此皮麵暮煮此葉羹抹荒茲上食殘喘聊支撐
話已長嘆息一飽何時盈我因慰田父努力無嘆驚
皇家澤露霑蠲盡租與征閏月凡四兩禾苗見青青
又聞使四出訪問民間情有害思與去有利隨使興
惟期和氣應庶得來休徵寧心待斯頌會見秋有成

折齒吟二十四韻

吾年未四旬鬚髮白勝雪兩眼眩生花一耳或通塞
所喜牙齒牢未省有殘缺飲食雖壽基齒壯物善啣
庶幾桑榆境健啖延歲月所以截與餅飢未若刀截
今晨具盤食軋肉固纖屑一嚼出不虞左齒拉而折
群稚慘不嬉病妻驚欲絕汝老不自量無故取推摺

子云盛則衰百醜見兩頰平生好言辭咀嚼出五色
文戰怒欲碎醉飲乾甚決運用勤亦至半百當衰茶
歌時時以舌詆乍脫覺中熱一落不復生根叔漫枯
枿駭若中堅摧闕於山口豁自今須慎護作事思妥
帖一柔勝百剛有味老聃說哈呀動恥念顛倒漱水
法猶勝昌黎公餘者堅尚縈既不妨歌底用心孰
脆齒墮端午前詩裁重午節成虧恐有數歌以散憂
結

癸未七月秋分日鎮陽澤宮弘道堂讀韓

子有感

盤盤素王宮鬱起金粟背厭喧卧芹堂枯亡心暫在
岡平勢尚隆雨久晴亦快風清自遠至雲奇堆戶外

一編子韓子至味欣一嘖時當八代衰道脉僅如帶
先生晞聖徒扶觚由我泰詠歸渺聖門簞食乏藜菜
顧時有汗隆盡我志所逮遑遑仁義心自任乃尔大
橫流嚙巨防力障俾勿壞排陰入九地孤唱肅萬籟
困吝初不計百折氣益邁要當沒則已不易下惠介
書雖不盡言後學有足賴真知程子說安石詩自哂
荀揚公所譏鄒後無接派道心得非深能遽發此嘅
略內詳外言恐就述作槩我知踐履功當世仰崧岱
後來立論者志母以辭害文平極道腴筆肆走光怪
私心適有會何翅讀屢再雄名儷景翻浩氣振吾儻
起拜壁間像顛泚覺雨霈宜乎配神庭血食昭万代

董大夫廟

在元州城北門內有宋元祐間
縣宰宋保國壁記云縣西南八

十里有廣川在隋避諱改長河縣今并陵縣是也舊屬冀州

吾觀漢家制所法皆亡嬴中間去取之易苟稍寬平
何然不足責本是刀筆生文景尚黃老申公負虛名
賢哉董大夫三策冠漢庭論說天人際高吐三代英
仁義我所重功利我所輕紛紛弘湯間獨能尊聖經
所惜王者佐竟老膠西卿過藩得遺廟再拜冠與纓
至今讀公書片辭皆世程浩浩廣川水萬古朝滄溟
因之觀其瀾吾道得少行

漢丞相條侯廟在藩縣西三里

遙遙漢藩國落落真將軍至今有遺廟突兀城西垠
維景四葉帝恩濫椒房親高帝白馬約侯封乃忠勳
區區王氏子何功復何人丞相懲呂禍安劉念先臣

所重社稷計豈憚嬰其鱗竭忠固臣節返得快快
嗔大戲不設櫓薄責等上尊庾死何所慊景皇似非
君

泥阻小大西門道中此明

常山抵奮鞬望望百里近我行濼水陽秋漲勢絕褪
氣蒸暑肆雪雲駛雨作陳經塗被游潦間關阻前進
固知路未夷畏此簡書迅東西大小門咫尺浮圖鎮
泥淤壞輒深車陷雙輪軻顛蹶困長耳喧呼空斷鞞
于役非其時跬步有至遴用拯壯則吉人牛親倩問
言形半公私物應有違順禮讓疏懶荒非係風土悖
侯門仁義存河去安所潤赴官比花開斯語未盡信
暮投田家宿何翅夏畦病苦熱不能眠伏枕聽露蛭

鋤耨詩并序

至元二十年癸未歲七月四日赴任濟南道出藁邑西南鄉觀農人用鋤耨理田時秋霖開霽嘉穀滿野三農熙熙然有歲成之樂自惟本田野間人喜為賦詩不知何時得與若輩耦而耕也

雙竿駕特牛獨脚雲耳並紛紛捲土落一刻蕃草淨是名為鋤耨初不見田令行觀數畝禾草去苗意盛中心覺欣快圖蔓得機柄種多我力寡匪此何由勝一作人定果能勝定神農製田錄耒耜理之正茲焉述後來初出驚智竟荆公重農本一一見歌詠青苗變箕歛大為當世病千年負深譏言不覆所行

牛升哥詩并序

深州靖安故城店牛氏子升哥年十歲能白翦諸字試之誠然點畫波撇甚有可觀者其父來求詩因走筆賦此七月

人生有至性凡事作不難豈問年長少智巧出百端阿升甫毀亂能弄金剪刀一字初不識所見禾與蒿字形雖百態裁成思無勞擘膚搗細像棘端刻飛隼徃徃從劾習猶足驚兒曹我因囑乃父宜令筆墨操學焉苟不輟智見為書豪

聞談劉齊王故事并序

七月十三日宿阜城縣解教諭劉元輔話廢齊祖塋在縣南十二里今謂之御

莊至今石馬在焉明日次元州陳教授
 又說豫未貴時一日顧見一白龍現婦
 翁家大鏡中但無鱗與角耳後乃岳亦
 見以女妻之資藉之力甚厚及生二子
 以鱗角名之或者謂二子長豫當大貴
 後果然

劉公布衣時往往入鄙棄婦翁識其賢資籍極至意
 龍騰鏡光中第闕麟角異用補二子名既長志果遂
 八年阜昌齊有命終閏位至今說金銀託子返為紫
 為淵既歐魚齊安得不廢趨來過故城人指金華地
 公昔此讀書蒨蔚見佳氣尚看書帶草碧色映階砌
 蕭條縣南墳猶以御莊謂石馬慘無聲山冢久蕪穢

空餘一字詠流播傳後世邦人陳與劉因話談此事

過深州故城有懷韓昌黎解牛元翼園事

維唐有藩鎮連衡皆盜區汚孽互相濟殆似背脇疽
 心腹訶蝨賊膏血化蟲蛆厲階安吏乱王澤不遠敷
 河朔有故事哲作劾逆徒堂堂裴中令夷蔡恢皇圖
 聊乘破竹勢制三鎮汚腐敗就與決大赫天王誅

彼相中妒便百裴竟無如事機一墮地涵漬終喪軀
 所以賊湊輩血人于牙鬚既戕弘正忠復抗新使符
 靖安門畫鎖長圍困狝羶昌黎解一言王略始得舒
 信平立大事臨機見真儒東征過故城往事秋風徂
 得人國無弱懷占重欵歡文公豈多得元翼何代無

賢哉霍生行霍宗字守道世商賈二子長曰思廉次曰思文

賢哉禹城霍傳家性水圖一身坐服賈二子使業儒

虛館致師範

謂董宗道也名師舜濟南人

捐金買詩書所願士行

列所願德依於利達非素望爵祿非所覲厥修日有
來此心得安舒我職宣教責東行式其間二子出拜
我朴厚中若虛呼前試講說固覺回不愚我因囑乃
父義利不並居頓首謝使者行將帶經鋤祝阿幾萬
家從占禮義墟爰自兵革來錐刀衆為趨蕭蕭枳棘
間一朝見鷓鴣孝悌道甚迤色怡步徐徐聖賢事不
難經訓即留畬二者有餘裕文章自華腴要知特達
舉張本德與譽切戒作而輟又慎終匪初勤苦天不
負流芳子孫濡或祗稱善人已為舜之徒讀書不求
官此語聞大蘇譬如飲不醉陶然歡有餘賢哉霍君

心能與坡意符因之訓二子此詩不可無七月二十三

題洪崖先生卷後

昔喜洪崖仙遺我雪色鹿振衣登長崗超邁翥玄鶴
山精與木怪役使供走僕至今青城山神爽動林谷
三郎老溫柔妄意企仙躅兩行招隱書空露岩桂馥
誰能拍其肩翳鳳事追逐我欣拜遺像及此凡數幅
仙標入遐想茲畫更清淑掩卷見南山高興渺烟麓

出香竒石

張生貯竒石携來有遐觀一峯華不注墮我几按間
穿穴作怪供突兀橫蒼頰炷香烟滿竇野燒生春山
我久汨俗冗對之心暫閒瞑坐清興遠夢與孤雲還

洗硯示孫阿鞬

書生事筆耕窮年治農圃我貧未是貧四貴會文府
陳坡謂筆墨命伊硯供我用小大不恒主磨硯積有
時敗墨雜垢淤毛雖汨厚漬豪蕩失劍舞墨石不相
入肝膽幾越楚呼兒濯清泉外難思一抒枯蓬發寒
芒炭柳屏宿汚玄泓連紫臺月露霽天宇炯炯鸚眼
碧婉婉修眉嫵歎紛紛霧縠秋色鬱端渚更伶綠玉
沈金桃啄鸚鵡石中有此理面目開太古不辭襟袖
黜一一重摩拊朝束試玄圭瑟瑟響秋雨聽餘思脩
然揮洒方得所玩之中有感滌念易心慮元來况本
善物誘失初度賢愚不相遠克復在朝暮昏蒙貴擊
伐氣志戒墮窳淬礪能日新天理自昭著願渠體終
章吾豈為研賦

秋澗先生大全文集卷第三

秋澗先生大全文集卷第四

五言古詩

遊百家巖四十一韻

兩紀山陽城行役凡七過佇瞻百巖雲屢往屢不果
亭亭白塔顛望遠幾招我今秋若有相老攬脫籠鎖
二三會心友與遊無不可初從萬戶門迤邐陟層岵
石林轉幽深到寺氣幾爽截雲駭巨屏勢軋坤軸妥
天閔瞰絕巔黛色發峻朶三纏上杳冥兩岫巧包裹
谷深餘繚曲石怪欲垂鞞何年緇衣徒詩境闕舒顆
或疑巨靈斧肇削乃尔礪僧殘失珠寶寺圯驚甌墮
寒猿從何來跳踉不能箇近人不少怖撥拾落殘菓
有草名龍須纖潔豈容浣崖絕不可攀殆似銜奇貨

取憐明月泉流瀉不細瑣玉虹貫山透噴灑螭口拖
我嘗遊三崑景氣固雲舒未有此泉勝翕合瑤峪大
况疑神物潛供飲結僧課徘徊醒酒臺石老書字娜
憶當沉醉時萬象入耽卧八荒敞庭衢日月螳旋磨
下視區中人宜為螺與贏復尋淬劍池履巖不辭跛
澗黑不可渡恨望藉草坐山僧似嗔余空踏苔蘚破
萬榭霜荼丹鍛竈烘熾火有懷中散公材大識或廢
至人戒其偏康銳不自挫當時朝右姦如會鬼見唾
吹毛不此施淬礪安用那徒為論養生竟落非命禍
長歌下山門世累訝許夥寵辱未足驚門閭續吊賀
吾須人為徒長往非所荷王煩日用間克我偏與煩
賦詩約重遊備豫木客和

謝王中丞惠栢栽

我家西河阡清陰不多植白楊風蕭蕭万葉空戛擊
君家手種栢蒼幹照城壁移栽滿山丘鬱鬱歲寒質
丐餘補不足雅意許波及恣取不我貪廣種庶多得
慇懃教之法水止要相適又云樹平壤根柢雜沙磧
蒼官雖魁庭在木躋壽域恨蟠泉窟深氣接太行碧
佗時兩喬林黛色看千尺大招遠遊魂納此衆香國
百年見諸孫鷓立大陰黑若問物從來渤海王氏出

飼牛辭

我性本疎拙壯年樂郊居况茲二頃田近在城之隅
兩紀官為家耕牛老無餘秋翻已失計春種烏可虛
浮陽漲林垆我剛猶荒蕪傾囊買雙犍却却杯與壺

齒歲固云釋野牧多形癯角浪黯無光寒翫躁不濡
服來試隴頭喘息久未蘇田家作雖苦大本誠在渠
嘗聞老農言力盛出壯軀時時過阜鳴付囑飲食劬
早晏日有常瑣屑豆與藟均勻細為和回噍皆至腴
願立終所詆對之為嘻吁半生遊宦間代耕竊官租
雖乏濟物功遇事多直愚謂怯公戰勇不知夏畦諛
古人發賦畝開務荷天衢有莘伊衡相南陽孔明廬
大賢吾敢望耻作遊說徒咄哉奚戚輩販鬻庸自汚
百里西入秦炊彥感真孥養牲五穀皮其志還自如
越褐不掩胛夜半歌嗚嗚應怜南山粲中有尺半魚
一朝遇霸王立談開遠圖我歌意有在歸來事耕鋤
水溢繼旱乾二年儉鉗儲力田漢重科躬耕需壯夫

我老理當佚返與若等俱塗露固不及風日儘瘁枯
筋力日衰耗毛髮不滿顛平頭七十數溫飫帛肉須
舉家二百指張口待尔舖田間一笑起謀生太區區
非閑効周人白首悲窮涂庶配耒耜經因之補叢書

種蔬

風人憫東周饑饉何荐臻一飢未為窘二事胡並云
當其穀歉時一菜真偏恩減粒倍蔬茹儘足濟餓貧
我田在溪曲有圃逾一廛十年廢不治草間野井智
飯糗日兩盂舉按蔬為先顧瞻畫义首日食無幾錢
甘受宣父誚課兒斲荒烟嘗聞饑不驚示貶中書堂
况我田野人鄙事亦備嘗東家乞蔬子西家學種方
又土作長塍繚垣為周防劬勞不旬時綠畦變天荒

朝來見生意次第青與黃春韭存夜氣夏葵茁屯芒
努力辦一飽藉尔為半饗大哉烈山柱濟物心遑遑
草木別珍味擴充神祖嗜雨露天地恩水土仍君王
智能創而述功用有至藏皇風眇無及庶物昭回光
配社德固極石代詎可忘

錢王和之北還

王即自燕來不見凡四載拜起寒暄餘命坐至于再
靡然襄俗中持身敬勝急出口不能遇事意何慨
闌翻譯語詳宛轉刀筆快幾年民部間奔走事多賴
負責在人先利心非所在所以即曹官倚用例深愛
竭來衛南鄙治任將北邁為余閑著書論說餘教戒
探微尋墜緒發源疏九派贈言為至禁在公猶誓效

賤名見諸編儘足光世代常觀長厚人往往福未艾
行矣愿所守揚名此無外芸香霏版籍鴈署雜書袋
飛翔得所止早夜更匪懈會當長安陌軒翥看冠蓋

汲冢懷古

丁亥歲三月十八日觀稼西疇遂矣伍
城抵安釐王陵下歸作是詩者蓋自江
左平後竹書多傳於世余憂好奇攻異
者讀之恐有致遠汨泥之弊故不得不
辯云

瀟迤伍城郡昔水猶陣圖魏陵廢已久磅礴如覆盂
草樹慘不春穿穴狐狸墟我來登其顛懷古心躊躇
憶當戰國際安釐亦狂且澤麋被臯比坐為秦人驅

敗亡自此始保邦何乃疎不知身後藏安用書十車
上窺姒與商下逮蒼周書零亂竹簡光詭說何紛拏
征南辨已詳多出行怪徒稽古不適正死為毛穎誣
其中亟當辨阿衡被夷誅孔子修六經亦已防姦汚
大書一德後蕞莽開毫都在易最奇法安取理所無
茲焉万世程洋洋真聖謨何煩事幽蹟致遠泥所趨
長歌望陵去樂過風乎零

壽第監使仲略

淇澳望鄧鄩迢迢千里途吾弟官其間筠林辦公租
十年九兩見聚散何須更今歲乃天幸同歸在鄉閭
朝昏對無時談笑樂愉愉春風露堂飲盤餐雜着蔬
絲竹厭啾聒却去從歌呼曾及兩耳熱仰空作嗚嗚

張燈更大白要盡曩與壺都将積年懷一洗中無餘

健倒不知曙醉頭同與扶扣瓶得餘醞忘却公堂移

時以事候府下兩宵對牀眠百篇誅徐徐靜聽未容再恍陟

西崑墟鬼窟易作計大馬艱為墓吾弟擅所長愈吟

辭愈都意圓兼理到韻遠幾風疏宛從尋常中奇倔

驚專車又如荷盤露細大皆成珠章郎五字吟花樹

欣游居今夕復何夕香滿先世廬近復示新作篇篇

商起予玉美韞續中得價不待沽倡者凡幾董賞識

風雅殊今者重有喜不為文字娛君今知命年我亦

耳順踰素髮各滿領不樂復何如况逢初度朝怡怡

與之俱膝下分戲綵朋徒日依於我有一樽酒慙慙

三樽渠一酌願君壽金石堅不渝再酌官事利百冬

為一擲三酌日康寧神相千金軀貴富天所與道義
我所儲居閑未落莫畏涂足崎嶇家理即邦政緊孝
與友于長歌復一杯此外非吾圖摠詩皆漫與此討
吾特書

酬紹開提刑見寄嚴韻

我老不足畏閑門欲誰親按頭有遺經卷舒無時句
平生未嘗學於焉究藝倫既非日繫者補拙需以勤
其或少有得庶泆羲和春吾子四科哲勲名逐時新
近來亦歛翮淵潛思自珍有時縱諧笑傾倒冠與巾
豈知寄傲餘落筆摘雄文客來示新作郁郁皆卿雲

繫訓狐

訓狐本惡鳥飛潛林谷間晡夜返為晝聲勢何軒軒

矜凶聚妖異其氣幾神姦家僮夜得之縛致庭階前
目光爛兩炬狂躍倖一騫群兒頭之駭四走入席眠
我因為沉思善惡以氣宣古云鷹集輩不如鳳與鸞
以茲惻憶心遠彼凶與殘胡為止我屋夜半呼聲乾
女奴前致辭此物何足患西家養已久逸飛偶翩翩
內疑始水釋念之心稍安緬懷昌黎公心炳陽烏丹
穹弧親覽之絕類不使蕃揮策碎厥首亦與韓意然
長令杖端血著此一綫殷比跡孔段笏異世同不刊
起視夜何其斗插西南天蒸雲變曉黑漠漠來輕寒

明農亭

我田僅二頃近在清水涯宦遊苦不巧歸來把鋤犁
樊須披聖闕彼士當有為時有利不利一饑胡可醫

士而食其力安分至極宜繫子事農圃三歲慘不怡
四郊氣隆崇澗笔成悴萎釋耒得窮處日坐詩書癡
樵蘇甫有積瓶儲復無幾餬口恐不給奚暇卒歲衣
明農榜新亭此意空規規有懷靖節翁起為三徑資
分種抗與林一稔欣有期豈知事大謬折腰因儉微
歛裳即宵逝一粒不入頤蕭然環堵間老飢日相持
九華安足服嚼句充朝飢士貧理雖常念之令人悲
空餘身後名千古流清輝天運既若尔吾道將安之
過此或有作殆與天相違

感興詩三首

中丞子初過訪憫及生事述此以見志
亦古人感遇意云

不製衣日僅兩盂飯得年過期順此亦何足羨
是非華軒口悅芻豢平生未嘗學晚歲似有見

盈望五秉粟禦此飢凍患閉門了一經庶幾思過半

到羞澁百計若為辦人生霄壤間所界恐有限

分外思鈔銖有力不容縮傷哉道難或拊掌發浩嘆

士不吾知曹次何磊落少當利害間鮮有不顛

患在無定方多學昧所樂出處况大節未用從人

開談話艱辛汝豈有求託譬彼飲與食孰不知飢渴

區區俟渠决肥瘠不相勝在我弗能了彼豈吾可

校讎天祿閣我嘗讀其書碎旨徒

意何有止得寂與寞物來有當行道在吾

面事所在俗爭取維抱見售

有客

耕韞 侯其沽陷 入 中可為

征 又味出困舉 須利所

語予 固宜僕所論誠足

有時且入此室處

苦寒 昌黎體

四年丁亥冬玄冥肅坎洽太陰包元陽少

苦無風色惡積雪不在地陰機發新

玄霜佐隆嚴宿 助重曠長空浩乾冷

於虎 甚伯有厲 一氣

粟生膚酸鼻冰 涕 酒

澤水空破裂山石 潛

獸忘群巢 鳥交 倚

熒惑慘不芒崑火澹不熾東皇約祝融縮首避權勢

天弧弦屢折何有琴瑟翠薄帷透三衾夢凜神不寐

暖老玉無憑炙手竈可增閭巷稀往來雞犬噤鳴吠

茫茫堪輿間欲道何所逝若將肅殺威一變寬大制

時當謹蓋藏理合絕掩蔽雖威貴不猛革故不失惠

明知勢非恒其奈日增劇富人尚云寄貧弱胡為濟

里門有殭僵定處返得計我時幸深藏順此天地閉

無餐又無褐不易卒此歲有客過予談歲律何時易

九陽消一陰萬象回生意予因語過客無庸心過亟

四序本平分過差自成蓋此雖節氣正未免急恒致

循環万化轉一刻何嘗滯昨晨履中園芳樹一為睨
枯枝雜凍條芽孽已萌綴都無十日春迎致勾芒祭

土牛送餘威斗柄挿寅位汝宜姑待之能作幾日崇
我閑亦已久幽屏空懷霽偶書苦寒辭又成韓筆贅
何當凌景風下折炎洲挂古云玉燭和調燮由獻替
冥冥於兩間侶恐不閑係天運詠自然何俟叟吾喙

怪石辭

崦崦荒谿石濁滓凝太古顧雖一奉小岌立有足觀
牛神兩顛撐山颯一足拉移來夸娥擔劈截巨靈斧
蒼雯裂荒寒老峽翟秋雨千年洪水餘石浪尚掀舞
又疑秋江蛟蛻骨委幽渚却愁出雷火下取還洞府
要從五色族軒昂入練竟元精儻不克備豫女媧補
從渠置散地不第奇章譜

疇昔一首寄胡紫山 戊子十二月廿二夜

疇昔夢紫山燕集街西居又撐瓦傘底一笑春怙餘四
願盡佳客半是高陽徒紫山正襟坐手把一卷書疾
讀且稱嘆照眼皆驪珠乃云某近作商也真起予吾
儕惜無幾烟如曉星疎正須佳眠食善保千金軀別
久得一會喜與老嫂俱呼兒具樽酒張燈列肴蔬觴
予不數行致辭前見掄平頭七十數肩毛雪模糊投
閑天或憐有書心使娛又云悼亡來不以再娶圖老
懷固鰥鰥宿業一掃除殘年累幸輕恐是得壽符叙
闕夜向深對牀卧斯須展轉寤寐間恍然到吾廬春
明煥庭軒門繁雪色駒倅忽坐壤舍意若傷道汚彼
豈能我况高氣初自如體融合若一樂適歸不殊安
得自伊始終歲同步趨或乘款段馬或駕下澤車春

風十二窩醉墨翻瓊瑤相看以佚老脫屣榮與枯夜
寒薄重幃夢清誰遣呼枕邊有鐘鼓藜藿應更壺起
聽夜何其漏下三更初念茲夢何異自况良可吁紫
山俯秋澗玉峰映汚渠固知睦其後庶可山澤臞援
毫記所遇一字不敢渝代書寫離索涸魚聊自濡何
當拊素箏醉持桓侯鬚取其使君不凡之意

元日吟

深院咤祭餘黎明紛拜賀齊飲藍尾杯傳喚辟瘟蠲
獻歲事多宜晚景福未艾鄉隣最善禱有錢無病害
兒童樂新年添歲漸壯大老人死生忙應接筋力憊
元正責清明其占君子泰多連人日陰野老足吟慨
今年天氣晴日色暄可愛相竿絕微風曠取飛火蓋

墻陰凍全消水陽冰自壞布席坐前簷歆傾餘醉態
一冬苦凝沍乍暖欣曝曬頽然曲肱眠夢到華胥界
宿醒與臙嚴融暢無內外放教原壤肆大謔伯夷隘
温温泰和湯股痺為一差覺來喜不勝嚼有屠門快
持美欲獻
君癡絕覲露丐

嗟哉傳生行

客從大梁來投刺謁蕙帳再三相之坐氣貌何骯髒
袖携一卷詩照映青藜杖起立懇予觀詩意見推唱
傳生南樂人明兩自幼喪聽官奉心君入耳物能狀
曖然內含光記誦殊通暢我思篤廢人氣志多散放
苟能參此軀那計非所養傳生瘡而卓出入知所嚮

不學陰陽流甲乙肆虛妄復惡鄭衛哇吐列師瞽行
六經天浩浩義理無盡藏游心於其間取友千古上
古人不復見古心胡可忘古心果云何姬孔乃心將
循夫天理公絕去私慾王神光滿牛背安取內外障
師傳庶西河爽識或晉曠不吐張籍竒猶可祖奭相
世人非禮視外蔽內隨蕩思屏心過易眼過最難愴
一根塵幸空內動息盃浪作詩還自笑示勸隨彼量
大匠無棄材長短皆有望文昌藉終譽尺書軍欲張
豈知我非韓徒增山斗仰

處暑日偶書 丙戌歲七月

長夏便幽居動靜得交養杜門遠炎囂人事息來往
三年謝簪紱倦鳥脫籠網生涯書滿屋凡覽極遐想

欣然歛有得忘却折俎饗一涼沐新恩允治多峻朗
殘暑竟餘熾木葉憂清響好風從西來一雨為滌盪
氣骨增老健締給颺餘爽赫然酷吏去而得故人訪
草木行交衰騷客重悲愴况復迫暮景歲月驚俯仰
浮生太奔忙壯志非昔曩時至氣自衰心在不忘嚮
要資配義剛每戒握苗長人生老當佚我老事耕壤
有田不及蘇開徑謾希將一貧非所憂俗事苦紛壤
娛心筆補袞甘分詔居齟茲焉庶有成心體日胖廣
窮兒即暴富孰羨軒冕儻何煩問大鈞自斷示諸掌
敲門看竹來一笑豁心賞

秋雨中書懷

秋氣何沈寥寒序變淒淅木葉與時謝芳菊得秋萼

生涯無少營書史有餘覽靜尋古人心理亂見忠詔
薄田待耕食雖苦猶爵纒稍豐不外求卒歲飽羹糝
既獲飯蔬樂又免素餐忝吾儕當壯年頭角露斬斬
一為客氣乘前進率勇敢才行有所處欲止不容滯
尚恨才術疎而不大其膽隨即事變來長網驚一掩
天意深有惜不遣入習坎委心聽自然致用每縮斂
宦巧輪晉衍戇直終漢黜田涂伏黃閭舉足中機險
虛名竟何用抵事纏坎墮唯餘讀書心連綴若絃統
秉德思一心覺襄誠多感古人了婚嫁家事斷不攬
賢哉靖節翁歸卧斜川峻怡然擁敗絮一笑慰終儼
多生各有分過慮讓憂貶當時曠達懷樂過鼓瑟點
因復念涪翁亦厭俗累染異世同其流漆板書何醜

青山與白雲江湖渺而湛終古無少異曾有不足慘
窮年為形役膏火自煎歛齒髮况日衰神情豈任掩
正須慎圭璧不致有容玷惟天有盈虛賦分自豐歉
天運審如此終老樂貧儉世或昧茲理遇塞強鐫鑿
我恐傷天和作詩時自檢

錢侯敬甫還汴

侯君司竹君調度法總年半去春持停罷公私或云
便繼差上官來新舊盡交筭衣袍到緼弊未免積垢
統支持一載強非汝不易辦天姿公戰勇奔北獨與
殿昨從汴梁來相過為飲讌坐間出片紙喜色睟於
面乃云監復立將集此微霰財賦至復任斯人不多
見愀然忽變容不覺當饋嘆操刀截鼎肉有味誰為

雋半生媿茲心而向此中轉若來期半歲整示見關
健獨潔七賢譏去應一鷄薦脫落小規為追逐接時
彥擬憑素所懷高舉酬吾願仍說解由事不了無一
件俄爾來告別牽率復還汴祝余贈言榮歸代賓朋
羨歷聞君所談行止渠自判何庸待余言樂處戒久
恋最哀同寮子臨事本怯悞壯士被蝮螫慷慨有解
腕懸絙即自經而釋身後患更無拙計人一死循堯
貫常嗟白面生時務少諳練大槩說不差節目多自
糾米鹽瑣屑間居之要無倦君看韓侍中張本府推
幹行矣夷門侯前涂况多援髮壯吾舌在橐螯志曾
變花樣又時宜何患不光炫

望崧吟 至元丙戌長至日追作此韻

往歲試洛師憶與節齋約同作崧少游心賞為一豁
羸駮鞭欲前竟為事所却宛循洛水東馬首眺陰壑
洪濛元氣湧磊落雷雨惡不有此峻極安得雄四岳
只緣不得登萬象負酬酢諸峯羅六六景氣終慘錯
披榛入會靈宋維吟倚廢宮角陳公最健者帥可三
軍奪空餘墜仙興出飛墮迷嶺嶼歸尋黑石渡易駟
指鞏洛行行嘆不勇失此寧復作吾儕貴乘時過慮
自羈勒至今有餘恨夢繞神崧脚盤空轉危磴矯首
看飛閣探穴不知畏入室不挽葛茲焉即神清洞戶
四開闢山人喜余至供具為止泊會凌列宿嶺一笑
動寥廓

宣城筆

已丑秋八月三十日晨起試宣城筆前

一夜夢對

御陳事故有人閣侍立之語

江夏無雙公翰墨能事畢平生稱快意揮洒得此筆
圓如棗心大銳比囊穎直橫馳屈產良細插蜂營悉
鋒柔得字易心勁腕能適赤管終握餘貶削失掠敵
策勲婉中山落帑生五色或簪豸冠霜或泚螭首墨
入閣與贊書侍立

天咫尺雖非山甫儔萬一補袞職

賦襄邑蒸豚

尹攪博守君王予為都司時
令史相州人

我行錦襄野田間多牧豚不沾欄笠溷不識糟醉渾
渴飲兔苑溪飽啣香草根所以味佳美萬有空其群

故人得劉宰紅蒸具盤珍俵淺食不饜體芳腥未聞
今日復何日大嚼過屠門他鄉固肥腴性燥空突奔
有時嚼其肉一節增餘樛乳烹謝晉豪禁齋未必尊
柔毛說沙苑盛餐厭羶葷未減貨所饋往拜禮合穀
物產貴得地橘與枳遽分藍田異崑丘而別璫與珉
人生與物殊善變觀鵬鷗

雙廟懷古

鐵峯動地來獵火燼九縣睢陽東南衝江淮國所援
蔽遮不使前恢復可立見二公明此機死守誓不交
雖危所保大如瓊瑩解腕最難結衆心存歿匪石轉
彼蒼界全節誰為落賊便已矣君不忘握爪掌為穿
竟能濟中興淮海了清奠至今忠烈氣皎皎白日貫

賀蘭觀成敗不飲浮屠箭殺亡計多寡此論誠可辨
我來拜遺像凜對如生面乞靈激懦衷剡決剛同鍊
朔風吹樹聲尚想登陣戰暮倚暈月城悲歌淚如霰
虞姬墓
在靈璧縣東三十里如縣道南陰陵山北舊有廟在山上今廢
重瞳鮮情人鍾愛獨虞美五年有天下寵幸想無擬
一朝走陰陵楚歌聞四起君王大事去飲訣共歎歎
感君伉儷恩死不為漢鬼一垣鳳陽東粉黛見石紀
空餘山頭草絳歌葉披靡定應月夜魂長遶烏江水

江船二詠

蓬

尺篲編黃蘆節長者二十七節廣二文餘數須隻長短隨所宜張弛易為摘

俗蓬以荻舟師貪重載高挂借風力順流與溯波巨
鷁添羽翮望從遠浦來一片雲影黑亂衝渚煙開重
帶江雨濕百里不終朝用捨從順適夕陽見晚泊堆
疊紛裝積水雖物善利其助乃爾益

櫓

江船一鉅魚櫓拖乃尾鬣當其淵水深棹弱不抹乏
故令施航後前與棹力合齊川具有五此物乃其甲
一聲天際來欸乃中流發我浮大河東並岸行若狎
終朝卧舷間蘭棹但空挿緬懷剡木皇智創万古法

舟宿桃源縣

長路風日淒遠征力難勝捨鞍事舟行庶便寢與興
蓬底坐秋江慢如在鞞鷹有時縱遠目沈若孤槎星

河從西北來勢建東南飢萬艘水上下浩浩無時停
利名任風波醉著誰復醒開看兩岸移轉眴煙中汀
晚泊桃源下波光亂漁燈靜卧船舷間拍拍風水聲
舟人話夜潮使君老母驚又云此水樂君其細為聽

劉營田拜慶詩

人生所欲壽有壽貴健安接物心思曠曳履行步艱
雞窠日省定此又何足歎取濟劉營田游事親有餘
權母氏壽期頤髮艾顏澤丹步趨不扶杖目視分遐
觀怡神奚服餌終朝例三餐共云子致樂諒自家有
閑結摘見壺儀教兒列時官豈惟一門樂化及濟俗
間德盛福自備百歲到不難朝家重貞靜露恩不時
頒行當見旌崇寵光爛門闈車簾蹙繡額誥錦回翔

為肩輿王與陳一旦相追攀茲焉答春寸草心能
單我詩媿彤管要作後代看

食鱸魚

鱸魚昔人貴我行次吳江秋風時已過滿意尊鱸香
初非為口腹物果可闕嘗中多類重出鱗織雪爭光
背華點玳斑或圓或斜方一脊無亂骨食免刺鯁防
向臘勝海薊味佳掩河魴燈前不放箸愈啖味愈長
張翰為爾逝我今赴官忙出處要義在不須論行藏
倚裝足朝睡且快所欲償夢驚聽吳歌海日方蒼涼

長至日次赤岸驛

扁舟下餘杭遠客逢佳節呼童起四更理棹未明發
燈前一杯酒持飲聊自悅江行官有程貴重敢中輟

此身得安舒行止聽驅策去冬一陽生露寢樂良夕
錫茶雖草草初不失家食今年赤岸亭野宿雜亂聒
鄉閩天一涯雲水幾重隔殘年無定居湖口走閩越
眷焉不無情念久意為惻兩腋暗浪喧拍拍若嗚咽
寄聲紫山翁此懷多不別時任蘇州提刑

平望道中

今日風色好舟行喜清和吳江抵嘉興遠不百里過
解衣坐蓬底閑聽吳儂歌大舫從東來帆檣鬱差我
云是淮海公赴召艤微痾倉皇不少住進棹如飛梭
物情忌太盛從者不得多尚餘蔽川載意氣隘兩河
有懷陶朱公霸業到不磨功成委之去敝屣與棄羸
左顧萬金橐右顧西施妾可想不可見五湖渺煙波

大安嶺

亂山從閩來勢若萬馬騁六丁闢坤闔通道取此嶺
仰觀已可怖初陟戒太猛乘班事推挽氣鬱頸生癭
既升頗平夷六折到絕頂最慮泥雨滑沙磴足易整
俯臨盡黑澗一漫漲雲影作矜吾年衰不遣見巖景
一山勢兩殊限隔示外警北登儘坡陀南下峻深井
牛肩抵風門峽束轉幽迥湍泉激南馱噴薄萬壑冷
人生此兩足停輟不俄頃舉緣聲利牽走險不知挺
我獨喜壯觀大嚼快雋永好奇與馮生比較略相等
漢家截海表茲嶺乃內境行人無晝夜閑史初未省
徒令蹠馬足安用障巨屏暮投大安傳燈火破窻炯
吐我胷中奇削此疊嶂梗此事特游戲夜久凍生頰

控馭稍得宜雖險勢莫逞黎明叫雲去有懷為耿耿
自淮口抵宿遷值風雨大作

拖舟入清口適喜亂淮碧崖鎮抵宿遷徐行總半日
朔風殆警余不爾何凜慄江雲作陣來凍雨矢四集
行揮人力微泥爛槽岸側打頭為放拒遇淺殆鯨吸
波神鼓餘勇洶洶波浪黑勢張互相薄力進硬與敵
敵傾乃尋常簸蕩不少息秋江渺無涯終日困踟躕
夜眠任倒懸晝坐自撞擊試身一葉舟凌轢蛟蜃窟
遠道胡為來行止吾豈必相值當耐何安順險能出
有涂莫舟行此語聞自昔君看坦塗間風浪猶莫測
處身苟無方往往半軋没居安貴不忘遇險戒無佚
所以長樂老進諫及街失行行入呂梁持守要愈惕

呂梁

呂梁世所畏往往舟碎破我來相其衝說者無乃過
南洪一石垠北梁更么磨水淺但湍急欲上船旋磨
更緣暗石多重載防右左舟空人力衆徑往彼無那
豈云水至柔內極沉溺禍至人特為名過者戒微墮
舟行四千里曷涉銳盡挫高歌幸無虞猶呼細
寄聲畏塗間識者當有和

秋澗先生大全文集卷第四

秋澗先生大全文集卷第五

五言古詩

和淵明歸田園

庚寅冬余自閩中北歸年六十有五老
病相仍百念灰冷退閑靜處乃分之宜
辛卯三月十七日風物閑暇偶游溪曲
眷彼林丘釋然有倦飛已爲之念城居
囂雜會心者少因和淵明歸田園詩韻
以寓意云

寡智空樂水便靜思潛山性旣時興挾况復迫暮年
邇者事遠役冒涉江海淵意令不家食餬口須閩田
園之委順去強顏官府間道遠策疲蹇跬步鞭莫前

天幸脫羈勒放歸壩野煙鄉曲喜我至迎拜衣倒顛
雖云有限軀且遂未老閑一洗矯拂性俯仰從天然

教授晉卿旬月間連失三孫

子孫續吾後上繼祖與先何家無與奪與奪非我偏
壽夭况彼命賢愚亦偶然生者撲不死死者抹不全
又諸罔屬天折皆債冤不尔造物戲欲見不測權
所以達觀者怡然於其間死者不深嗒生者不溺憐
東野昧此理悲歌淚漣漣負我十年恩此豈達者言
延陵合中道夫子亦悲酸掩坎三匝去一慟不復潛
曠懷聖為取情鍾世所嘆懼傷吾子和為擬昌黎篇

響板碎

笙篴雜箏琶悲策合著唱喧然一堂間餘音胡得抗

紅牙掩自無按拍喜時向響板出新聲激烈極清亮
都來三齷木手拉若尔壯遠疑啄木禽扣戶何畢剝
近驚老鶴喙頓齒振林壑劃然透空去夜靜秋成杵
方能節衆音乃見終始作我本幽吟人避喧便淡泊
奈何將兩耳聽此終日聒君不見陶琴無絃趣有餘
子幼鳴歌死哀樂

海鏡

海氣發異產茲儂世無覆壘頤滿脩形被體紛竒瓏
睛黃孫儂古喙促歇僑胥斗尾繞尺許直立森幢幢
跳踉顧自見喜極狂莫降夜風動庭草信吠聲尔唯
不近穢與惡不竊鼎與缸勢猛性乃馴見罕人多懼
有時威見齒迫視防噉撞東坡詠烏喙量移遠蠻邦

喜公得北還渡險無濤龍此犬從閩來氣骨不喙腴
厭隨吳獵陸喜逐龍移龐伴予水陸行足輕音不蹙
導予為前驅健迅逾駮駘辭炎得吠雪寢處不夢江
堂無紅絲罽欄有碧蘚禱繫之護燕几足以增雄虺
戀主義不奕傳書心尔恠作詩見物性寄傲倚南窓
和曲山遊澤宮感舊詩此一韻

三代闡類辟菁莪育英材六經治平具致澤需吾儕

君看弦誦堂明新揭橫牌新民果何事五典博克諧

平生勉勵心雖老時往來名存到實忘過者宜興哀

上行意固盡下効理或乖文章將相科勲業麒麟臺

倚席了不講若人安取哉文憲日如綫逝者不復迴

嘗觀亡宋學丕冒江與淮考亭泊西山兩公生海隈

天遣闢異教不使為妖災前年拜遺像鑽仰心徘徊
文明麗東南淵源公所開至今號多士翱翔與時偕
嘗思萬有選細考勲與階青絲不素養格例空崔嵬
棟梁胡可得摩挲到莓苔萬負滿兩紀一夢南柯槐
此說誠至論忍使空齋入微喙雖尺有言輕薄埃
畎畝不忘憂念之傷老懷

韓晉公畫蒼枯出水圖

蒼枯水所意泳游溪水中物情便所適頰立不我從
但見鼻吻長可知力挽雄小大制有法驅牽任此童
東臯夜來雨催辨耕稼功一飽賴爾力高廩歌年豐
畫師亦數本大意與訓同五代劉訓指水枯
為黑牡丹事吮墨變花
賞指為沈沈花叢妙哉韓相筆遠意老明農

唐邊鸞正面孔雀

邊鸞弄丹青思入造化窟平生雀寫真多作正面筆
圓張金花扇迥與鸞彩匹暖圍姚魏春翠射琅玕碧
瑤池百丈鏡顧影時自惜我冠赤墀間朝午見孤立
年深粉色暗元氣悵猶濕遠來米家船復出玉涯壁
髯温玉臺後素有書畫癖一見易以歸不惜金與璧
繫君具眼士鑒定能事畢竹亭展觀餘異夢憶疇昔
當時文字祥其應在此夕

琅山北上過保舉馬上賦

太行西南來萬馬驚東北奔騰走蛇陣一脊千里碧
琴娥負補餘弛擔於此息神功見天巧削出千仞壁
亭亭十二峯上與霄漢逼高張巨靈擘羅列黑帝戟

枝撐圓蓋傾間映落景黑或云琅為郎說是郎君石
物類無不偶遠與巫峽匹不尔氣變常萬化無定員
巨細一槩觀何異瓜駢拆天機我偶泄山鬼中夜泣
萬石鎮雞川亦可稱峻極

望黃金臺有感

樂生尚郭隗儼德非同儕九九乃小數正可訓提孩
樂生復國讎強齊捲輕埃燕昭師事隗竟築黃金臺
我思賢王心要罄初始懷在昭固至德贊襄誠衆哉
卧龍以力食躬耕亦堪哀昭烈昧三顧孔明甘草菜
一語萬代譽正獨龐公開鳳凰巢千仞一舉出九垓
翱翔覽德下千年能幾來抹時不易得况復管樂才
毅然好賢心無為古所咍

和紫山題觀音堂山石詩韻 彦良馬君索賦

我行淦水陽思有登臨舉佳處得一遊不計寒與暑
盛聞臨水間猶是鄴西圍山滋與水潤不識田家苦
陰壑闕靈景石林氣清楚又云龍洞水清可濯纓土
我無適俗韻樂與泉石伍此行應旌招敢覬煙霄侶
閑雲本無心安取濟時雨紫山知幾人夢覺邯鄲黍
題詩見歸隱真隱果能否作配不自量賡此山石語

張鵬飛治虎骨為鏡挿作詩以贈

張侯骨鯁士志節何閎闊英發見早歲智效今埋輪
赤手搏於菟脫略狐狸群今復切其骨整此烏角巾
持贈壯我氣能復冠惠文吾老無所用胡為走踈踈
忝落麟鳳網或可解糾棼一薦不可負上有

文思君倘遂寸補去所得亦已殷要當簪此挿醉看
西山雲

淵明漉酒圖為表弟韓雲卿賦

晉人尚放曠不受羈與束虛高失之傲降志到自辱
淵明性真率頓適無矯慙清風凜一時千古仰高躅
得錢送酒家况我新釀熟渴來夢吞江冥計巾一幅
有槽不待壓露頂手自漉清濁即聖賢併欲貯吾腹
悠然對南山夕鳥送以日還我浩浩天世運任伸縮
冷然風度林澹若雲在谷俯仰霄壤間出處一往復
過此設有論正為蛇豕足宛轉出新意便可激流俗
不思皇上人方寸許撐觸欲求先生心用意不當曲
縱使欲自况此老烏可黷吾言誠漫與得酒且兀兀

有懷雪菴禪師

雪菴圓通士我非方外人每來扣禪扉坐暖蒲團春
有時論善翰兩耳聞未聞自筵以技進斷輪非郢斤
吾學師所知師傳吾所珍擅書三十年臨池墨瀟淪
手提八陣法論入三昧神功多懸誠胎動權平原筋
蹴踏龍巖癡髻髯黃山真何心山陰幾不計羊欣裙
與來追醉素堂堂張其軍驚蛇雜走虺入草猶龍奔
縱橫與柁闖真積力可臻具眼世所難雪菴洞無垠
道存見目擊黻黻知見薰孔殷灑有開條我曹中塵
十年風馬牛芥塞未易耘去冬喜北來將謂晤語頻
遠遊久未歸此抱將何伸懷人叙游藝愧乏昌黎文
何時太行道梯空下秋雲

李庭珪墨

墨龍奮晚唐五李相繼出林林歛溪松黑入太陰窟
老奚縮天機萬竈出玄笏松身玉質堅走研風肅肅
神爽漆點光湛湛童子目二者既得兼高名宜擅獨
妙劑秘千古何有遇與谷埋馨六經筭漏網龍在陸
橫雁相國阮復值永寧酷殆及宣和間千金購無復
郁郁蒙城田文獻世相屬香林秀孫支善繼踐芳躅
傳家無長物寶此一吋玉客居大於斗豐潤蒨華屋
阮生幾緡屐舜樂一夔足公餘日摩娑寧使食無肉
古人不復作精絕見此物頌囊任借觀不許一磨倏
田郎固淡僻清賞儘不俗書生臭味同往往溺所欲
吾家肩子歛隱隱脩娥綠客來恣濯玩亦弗容以黷

墨不知研良硯不沾墨腹譬猶藏書人終歲不一讀
插架徒好觀新若手未觸相看兩癡絕一笑為捧腹

贈承旨唐壽卿

論士須詣實相馬先其神周秦何貴賤變化存吾身
唐侯金閨產動有鸞鳳馴飄飄瀚海翻上拂明月輪
憶初識君面轉盼二十春竭來客京師君為玉堂臣
時於管中窺班班見其文高適四十詩便與作者隣
青紅桃李場大飽散奇芬有德諒有言君侯性閭閻
最愛發策際不迫意獨臻理明中專機士氣借以盪
重念朋友交敬毅多不倫或者一顰笑意在交相因
令人氣最短標置分畦畛愛君略城府吐詞爛天真
不作崖異奉不學游說秦信厚等麟趾為人解絲紮

所以多士間堂堂張吾軍蹇予自結髮沉愛而親仁
當其立事歲亦復求蟻伸長風萬里浪蹭蹬無縱鱗
今雖老伏櫪尚友心猶振都城交游海因依幾當親
如君辱識久辨與陪翔麟人事有乖合對面如離群
徒從樽俎間一笑傾冠巾只今友道衰耐久將何人
相馬論其力取友非所專天機到沒滅君今九方歎
心期既有在形迹不必云因題樂山詠聊書代吾勲

成德堂詩卷

蹇予客京師詩卷曰交至此風近日長珍饈互相餽
張君構新堂乃以成德示再拜來懇予一言願明志
成德以德成何翅餘愷悌德者得於中行已見於外
是乃君子稱實為聖賢享一時扁之者無乃躡等第

大朴自六鑿衰俗日零替剽竊糟粕餘色取仁為利
遽然以茲名豈遠蒲廬意我開入德門試說第一義
厥修貴有初主敬聖不易孜孜先此念優入匪難致
收功心日休不匱將錫類會見堂中人事業稱不器

題趙文婦嘉山詩卷

徐公序嘉山衆美掠已竟復徵諸公作落筆先漫應
我雖乏新意不為蛇足贖文卿慷慨士意氣掩趙孟
識君二十年每對謔滯興談味傾底裏議論老能正
以儒乃鑿各以鑿實儒行誰為幽并豪虎變伏延炳
先賢去世遠一氣猶包凝蒼蒼嘉嶺山玉立想照映
士會棟秦策宣尼善衛磬我常登汾睢西眺河山勝
延安東北秦得士敢小鄭彼嘉宜降神英物復趙孕

儒賢有顯道孝愛發天性惟其畜世用裔遠有餘慶
會生甫與申馬壯擁高乘我詩匪諛辭探賸神理證
有子教讀書服此恒起敬

東征詩

東藩擅良隅地曠物滿盈漫川計畜獸蕩海驅群鱷
盛極理必衰彼狡何所懲養虺得返噬其能道天刑
遠接強弩未迭誅乳臭嬰一朝投袂起羶裘擁矛矜
天意蓋有在聚而勦其萌并蜂有螫毒

大駕須徂征寅年夏五月海甸觀其兵憑軾望兩際
其勢非不勅橫空雲作陣裹抱如長城囂紛任使前
萬矢飛撓捨我師靜而俟銜枚聽鼙聲夜半機石發
萬火隨雷轟少須翼接天地為震驚前徒即倒戈潰

敗如山崩臣牢最憤敵奮擊不留行外烏盟都間天
日為晝冥僵尸四十里流血原野腥長驅抵牙帳巢
穴已自傾彼狡不自縛鼠竄逃餘生太傅方窮追適
與叛卒迎選鋒不信宿逆頸縻長纓死棄木鸞河其
妻同一泓彼狡何所惜重念先王貞擇彼順祝者其
歸順吾氓萬落脅罔治無畏來爾寧

王師固無敵况復多算并

君王自神武豈惟廟社靈三年晒東山殪戎營柳

清都人望翠華洗兵雨何零長歌入漢關喜氣鬱

兩京小臣太史屬頌德職所承雖非平淮雅動盪耳

目精赫赫桓撥烈仰之如日星此筆為紀述發越

吾皇美召携羨常武且莫誇雷霆

覓風字歛硯詩贈侍其府尹

硯本發墨具不爾安用他碧紫暈鸚眼黝黑深宮鴉

彼端類高人風姿固云佳遠韻不少吝清談浩無涯

但於當機時未免思棼棼若或砥礪用茫然手空又

硬則墨為褪軟則磨泥沙惟歛士之傑林性何交加

羅紋與刷絲一寸皆可嘉回硯端溪公有名實則差

新安山水窟澤大生龍蛇舉世被其利何有蛭與鼯

山高溪水清其芒例如硤嘗聞右軍硯風字琢手奢

是名為水箕孕頤駭哈呀松煤燼無餘惟恐中書了

池寬水瀾漫挹彼如尊注陂陀浸半海揮灑生雲霞

平生未嘗有夢寐江之涯君今去為邦過此空成嗟

包公尹端州歸不一硯擎彘肝類安邑一笑春生華

書生乞索態殆是心貪邪
補衡溺所愛竟慘漁陽過
今冬與來春會有泛斗槎
雄雉或雌縵分送張華家

十月牡丹

彰德路監郡完閭嘉議治甚有聲壬辰
秋辭職讓其叔也里不花中順是歲冬
十月新侯府第發牡丹二本明年秋計
吏伯耕香林先生孫不遠千里來求詩
於翰林諸公因首為賦此

玄冥氣折膠草木餘萎悴鄴城樂土郊盡戟清香地
誰留翠被暖小試丹砂藝一枝鶴翎紅照映朝袍貴
散彩冰雪中造物有深意正緣二侯賢撫字見早歲
藹然禮讓餘涵蓄坤靈秘歐九譜花神百種第佳麗

洛花固芳妍根盛氣或異春華復冬榮彼祥瑞可記
無乃後來者踵治更和惠雖云有淺深錫類由不賈
奚煩鑿傍州一段中和氣慤慤將二美千里借計吏
遍求翰林詩擬薦金盤瑞我欲論五行推測步茫昧
浩浩二氣中事或有閑繫重榮說紫荊偏反詠唐棟
佳花元致祥惡草終可畏未若中庸篇繼述皆自致
栽者即封培傾者隨覆墜由來衰盛間為善不中廢
曰善即胡為不出讓與梯神明與扶持聲譽日四至
君能馴是理獲利餘百倍何翅天香臺卿雲播四季

送范葯莊子楚教授嘉興

范君號葯莊杖屨屢來謁坐間話行藏曾是憲幕客
投我詩一編細嚼讀恐徹詩從晚唐來高風日凌折

君才何清峻略不見菱繭渾涵中州氣佳處每擊節
朝來又相過喜色浮兩頰迺云子楚輩得調官兩浙
南歸行有日一舸赴吳越懷予送行詩我畧為渠說
路教然冷官侶緩係實切化源開兩庠彼秀富才傑
朝家急得賢訓勉宜屑屑一門在清流聲譽儘昭晰
君雖客京師破帽幾風雪兩椽省東墻一片江南月
羈栖思不無相視為一豁君歸稍如意晝日抵三棧
何俟者夫詩長路絢行色

贈大同利彥祥名者羽西域人

金天一氣晶以理迺為義兼包體用言蘊蓄和與利
弘居大同東去都為近地風塵雜四方豪貴猶大魏
聖賢貴有教初不限氣類彥祥孕金晶用雅變華裔

歛衽昨過門偉矣髯鄉麗開談一老生略不見本氣
諒知六合表固多瑚璉器示予野齋辭把玩愛不置
丹青寫虛影經史舍至味舍此或與彼恐慎為善志
同將與進心更擴讀書意周邵兩分產文獻垂萬世
由余出西戎斯也少賢議吾賢即能賢此論古不易
守之有餘師何俟吾言贊

贈筆工張進中字正

書藝與筆工兩者趣各異工多不解書書不究筆製
二事互相能萬類率如志進中本燕產茹筆鍾樓市
錯出劉遠徒妙有宣城致我藏一巨弗用久等筆弊
授之使改作切屬鋒健銳疏治近月餘去索稱不易
先生莫促迫致思容子細中書不中書安用從新繫

竭來歛見投入手知利器文房三貴人刮目喜相視
正緣兩資藉辨此揮灑技吾鉅元不銘甘分置散地
馳騁翰墨場又匪老人事不辭束縛坐但愧簡拔意
子正來索詩一笑吐吾喙索老豪頑辭遂擬俳為戲
送張幼度倅冠州

前年走京師忝與北海薦白首官詞林意若遂少願
雖非玉堂人幸接金闈芳供奉得張子為人良可羨
豈惟文字間辭理見兼善言行兩無擇容度升回轉
温純韞積玉樂易不崖岸何心與物忤有問即冰凍
宛如鸞鳳姿肯作麒麟植相看二載餘謹若初覲面
竭來過門別新除得倅冠坐久兩不憚去住相慰浣
我心愛莫留官屬亦深恋其如行止何物情復多變

鑿坡禮文憲一任儘清宦古人責任運况去有三便
家近得侍親州孤無劇辦請益願一言俯倚時揉鍊
我忻聞其說解事語不漫常思歐九說可為後來贊
擄文止潤身及物自貞幹休碎米盪碎莫厭衙起晏
不見忠獻韓鼎鉉出推判行侏官有程民事不可緩
遊嬌川水谷太玄道宮

迎謁次嬌野將為旦夕間尚餘百里速却得三日閑
追陪玉堂翁清游指仙山窮秋草木盡諸峯慘無顏
兩崖蓄餘暖崑樹如春妍洞口疑有光望中已欣然
始至覺夷曠稍深更幽寬山英喜客來夜兩濯翠鬢
層巒與疊嶂供我柱笏看雲封石上鉢初大道廟五祖
連及弄衣鉢石上而匿其物重衆莫能舉玉漱山腰泉灑
其焉遂請主其教今道院蓋羈所創也

滋樹藝一脉窮灣環西臺頗峻絕兩折躋其巔詩翁
見精健登頓不作難礧礧凜莫留松風吹袂寒降阿
集晴疏高談泐孤攀山荒苦無稱似待新詩傳諸君
垂橐來稠載風煙還因公得勝賞此詩其可諉但恐
雲霞散暮景去猶怪我非桓野王今識東山安

題筠菊亭

有客昨過門挾卷携酒壺我老厭人事汝謂將奚圖
自云有老親倦游樂閑居終年築亭園筠菊心所娛
二者諒微物一日不可無餐菊制類齡種竹來鷄雛
牀頭幾葉書随意日卷舒欣然有所得擊鮮忘朝脯
脫畧少年事呼鷹走韓獹治生不求富教子供讀書
近隨計吏來一命沾堂除南歸不徒手豈計巴與俞

眼中倚門親慰浣當何如瞻烏噪乳鵲過戶懸蟾蛛
竹色動虛牖秋香滿庭隅計量到家釀小槽滴珠
江山漢陰國耆舊稱名都從今王氏亭而與吾孟俱
題為五字詩稠載樂有餘路教為拜拜歸當榜吾廬

陪張右相祭奠司徒忠懿公墓

元貞元年歲乙未夏四月九日

王城西北郊有山曰盧師崗遠見蟠互野曠欣平夷
我嘗以事來旋軫思遲遲匪緣蛇虺靈不羨風煙奇
有懷

德育公攀附隨

潛飛一朝際風雲振耀生光輝我初拜英表富貴非
公誰內焉函國助上焉

兩宮知孰云恩澤侯以德中自持近侍足恭謹接物

餘謙摠由家化而國在理乃所宜及夫司徒公衍慶
尤熙熙再世保傳功大書見豐碑

神龍襲九淵奮起須鱗鬣伊公漢大橫庚庚隱天機
歷數既有在大器將安歸

君王自神武監撫非細微寶章猶傳爾啓沃貴知幾
堂堂忠愛心畫此廟社規其報宜伊何子孫保無期
倏歘三十載山丘兩巍巍生死固常事盛衰有足疑
昌黎銘殿監所以含餘懷我老自多感黃鳥聲正悲
駐車不忍去日下山煙霏

書日者卷後

稔聞日者名不識詹尹面共云推未來符驗如契券
因之求題詠有學難自術郭生序已詳奚待余眷眷

雖非青囊翁嘗讀季主傳為憐長沙傳三策動漢殿
及夫行藏間而抱不遇怨絳灌夫何為藝能上自羨
弗思前席夜有舌不少嘽况彼偃偃徒能不逐利轉
正真神所與言行士之觀悔尤兩克寡祿秩中自辨
宣尼敬身衢天理不吾謾山人有來問此語告無緩
庶劄萬有心一聽三聖斷

題張氏先茔記後

禹城張氏先起跡自農伍力田與孝悌內助生賢媿
夫婦人倫常松竹表寒苦柔姿不易立流離復藉阻隻
影携孤兒避地韓城隍飢寒兒不知採拾治絲縷訓
育至成人衣食能自取去若仙人衣春風三十許若
將終其身一室老環堵天其表媪慈再世沾煦媿蔚

為庶門清在野不多規南薰吹棘天衣冠見楚楚子
然九齡迪信厚稱幹蠱或欲以節聞顧視為告語近
各道家忌此事莫予吐夫家已不幸在我分當處里
南築幽栖竹木映庭圍還我浩浩天香火湛靈府晨
昏省定際迪也禮災與一朝委蛻去神光照東土我
紬石室書逸事湏世補

國初迄元貞節義幾人數豪族易昭晰里俗多草廢
况保晚節難往往變所素猶缺望亭君雅志遂初舉
凜凜百年間尾髮不少沮竟續所天家時祀苾芻
豈唯勵衰俗清風激千古裁文為歌詩流詠遍齊魯
送張勝非任汝寧府判

汝流漾玉虹望入東南楚雲連懸瓠城形勢見今古

有鄉以龍名旦評擅諸許山川氣不易舊蔡變新汝
名芳土亦馨理在物爭覩張生太史厲三載戰文圃
開朗中有為一變至於魯朝來得新除破甕起欲舞
踵門來告別一言求小補試將吾已行耶用勉君舉
吾年四十餘彈冠判晉府通宵思闕遺未明聽衙鼓
上焉事官長下焉宿民苦簿書雜米糴塵土與相五
杭容不少倦公散日常牛任責在人先見得思義取
爭輸公堂益不惜寸心吐堂堂五十城利病繫區處
心平知所宰有衆孰敢侮御史至京濕未省聽渠主
最於絳陽獄五歲閉幽囚一朝得其情久旱需尺雨
當時官府清至今博好語評來一宴過蕭縮漫於屏
正綠中省嚴經制得其所後來府無人所事盡亦許

官察自茲壞政荒歲飢阻每用誠平生艾服繫其矩
皇家重師帥爵祿不輕與汝寧本寧尔未用厭勞拊
聲華月旦評繁繁珠還浦補缺公與如去去力當勞
壯心橫落日高歌當梁南

壯士吟題郝奉使所書手卷

使節駐淮海人望兩好熙宋人足吏詐觀望占成虧
不知破武事中伏混一機壯士死則已不死將有為
宋琚凜風傑天馬不受羈拘隔一館間激之見連鷄
事又變乃生勢去心恫疑奄奄十六年憔悴甘湘纍
內開旣首鼠外侮宜紛披盛氣屈使降壯心終不移
睨柱欲碎首忍見王人微松嚴操愈厲草綠秋更萋
蕭爽隱霧豹脫略觸藩棘老賊主一殺幽憤將何施

庭芝一援手所昔良不貲兵交使其間天理或可期
于卿才屬國所報亦以卑至今卽山塚突兀空蟠螭
兩行清汝帖只有老天知

送徐平叔還廣平因次其韻

全趙古多士袷服見吾琛我生自有命其肯枉尺尋
結交半豪右翔集依雲林當年平津閣箕冠明月簪
乘時頗展翼天高氣橫參談詩似高適走翰驚陳琳
忽騎將軍馬縛賊虜穴深嚮來三數公朱絃得遺音
長劍一樽酒灑落開雄襟自笑我何有踵門來載臨
袖携長沙書囊之魯連金白髮老親健晚境毛義駸
時清渴明略友義多同衾躬耕食不足從仕力儘任
秋風吹易水游子動歸吟深藏會有待莫負平時心

卷五
十六
題焦節婦卷後

焦氏有賢女姿稟與衆殊既笄樂貧素出嫁南征夫
一朝聞卧病尋訪邊之隅怙恃力眷挽在妾夫何如
竟能遂初志扶喪歸里閭朝昏事盡織恭侍舅與姑
百年終孝養葬祭何勤劬拊畜兩孤幼嫁娶禮與俱
孫門固衰謝賴一貞節扶夫婦人倫始因之變特污
一端青穀信至死誓不渝采詩論國風彤管宜沾濡
誰謂閭閻間凜此風烈嫗倚倚谷蘭馨落落青松孤
豈惟表門闕抑備太史書達卿味平生容齋文可娛
美節冠東州亦用播友于清風振孤標讀者宜嘻歔
我初入王堂喜識淡齋面忠翁兩朝士極口為稱羨
送許澹齋提舉隆興學校

子遠東嘉人文絲金百煉妙年登巍科巧宦歷幾遍
風儀聳四筵目光雙炯電前年來京師得遂依劉願
校書天祿閣音吐見推辨長河瀉建瓴洒洒江左傳
三釜固祿微一官爭鷄薦行李日羈栖猶是多士冠
今來得羨除提舉江西亦在吳列朝行客燕領詞翰
洪都儘經學文藝業多擅好將鑄顏手主善志無倦
習俗與命脉風雅為一變江煙送行舟瀟洒離亭錢
清吟代驪歌別思空眷戀依依鄉國情去逐南飛鴈
我老歸未得松菊夢秋澗衣冠拱清朝聚馬珠會弁
自慚老無能零落秋風扇君行重感慙嗚勉磨鐵硯
長江控高閣百丈驚并幹梅花散春妍蒼煙開禹甸
江山有清眺風月興不淺南昌地卑濕衆流爭湊汭

去年水為災孤城江四轉兒童化魚鱉萬竈產龜鼈
慨然為開陳此事豈小便一鉢濟東湖澄江靜如練
淡齋素有為肯遣空懷卷

觀臺鄉劉氏瑞蓮

遙遙觀臺鄉近接魏西園風來紫陌香臺傾金鳳去
繁華一夕空風物猶可據劉君號素侯林野敞亭宇
貯藏物外春中有百花陽池開一泓多雲錦漲秋渚
亭亭玉井花十丈水絲此一始十三篇秀發迺如許
輝映天泉淵飄洒橫塘雨風流似六郎澹豔疑靜女
高情太極翁愛玩吐奇語根植污泥中香韻儘容與
寨帷對佳麗凌波看微步煙霏動簾櫳漢女出歌舞
當其爛熳時固已表靈舉豈惟見家祥分秀孕先母

重臺與雙頭連莖同合跗封章稱嘉祥夸者徒媚嫵
由來草木蕃造物不予侮氣和物自盛事異未之觀
百年需遺澤宅相換圖譜君家邯鄲望馬眼迺鼻祖
諸郎藉餘慶雋拔一何楚起家漢賢良接踵泛菖府
一門集清芬嬋娟富簪組為君續夷堅作詩剡石鼓
盜陽有石鼓也

蒲城行

初常蘇州体示異姓第喬百順



蒲城今樂郊兩翁處東西相別二十年顏鬢颯以漙
加飡似平時捨杖矜健移置酒前拜壽喜定垂涕淚
擁膝侍終日念不共提携幸有爾與喬治生事鋤犁
云誰知異姓一作孝養日孜孜雖遠心獲安慰我悠悠
思官書促前去望入雲林低

黑山秋霽

我度居庸關天峽四十里嶢嶢積鐵色兩勢蒼壁倚
何由劉壘巘一撮峙燕几長令幼輿心喜溢秋壑底
竭來遊京師訪友棠陰里入室得茲山欣躍倒雙履
携歸坐卧觀論列忘兩紀黑山凜冰尖玉色何粹美
連峯卑高陳夾嶂蹊逕遠勢走脩坂秋骨濯清泚
絕巔蒼窮盤哀壑太妃圮竒狀出天然弃墨妄模擬
又如草間虎怒伏驚蟻蠶昂頭入四顧徐起安蒼尾
書生眼孔曠百見心未已不為此儻顏照映橫玉壘
烘香作怪供揚禪問山鬼不知天壤間刻刻此能幾
魁岸狀木假甲乙弟湖毗達人有大觀太華拳石以
曾為物外誘沾沾抱徒喜屹立萬物表景行世仰止

詩成贈山主我豈鬱鬱林幽巖棲未有期對此聊尔耳
大開致爽軒柱笏約吾子

秋澗先生大全文集卷第五



卷三

三

十一

